

永嘉縣志

光緒八年修

永嘉縣志卷之二十一

古蹟志一



夫岐海紀自山經越漚箸於王會稽古之權輿也而好事者遠徵荒渺謂有容成遺蹟焉其信然歟然古冊流傳不敢沒也自漢東海王開國僻者通晦者顯晉宋以降遂甲東南故以名勝為古蹟之冠次坊表以景前哲次冢墓以闡幽光終之金石以徵文獻旁稽羣籍蒐攷遺文藉是以補舊志之闕軼也後之人流連慨慕必將有感於斯文

名勝

太古

永嘉縣志

卷二十一

古蹟 名勝

民國二十四年補刻

太玉洞天 華蓋山下有容成洞為道書第十八洞容成

太玉之天上有三生石五粒松金雞嶺青牛谷丹井石

龜池天下名勝志宋劉敞太玉洞聽琴詩無絃不成聲有絃多失真真聲在何所調和方寸春文操惜

已遠孔壇嗟復陳所以桑濮響鄭衛波羸秦詎知幽谷間乃聞太古涓游魚出寒水鳴鶴橫秋旻休羨廣陵秘

爾雅皆怡神 國朝朱彝尊詩亭亭五粒松華蓋神君宅風吹寸草生依然綠袍色

三生石 華蓋山下有容成洞相傳黃帝時容成子修道

於此宋仁宗嘗三遣使訪之但有三生石在耳廣輿記

德新尋三生石詩片石何年崎海東容成化去五松同三生未悟浮生事因向峯前叩石翁

煉丹井 煉丹井尚存邑庠之後旁通一竅若門旱涸時

兒童篝燈探之入數百步莫測其底真異境也相傳一

目仙人從洞中達閩成洛陽橋王光蘊容成道院碑

吹笙臺 在吹臺山上相傳為王子晉吹笙處楊蟠詩子

晉吹笙已寂寥舊臺猶枕斗城腰名勝志康熙府志宋許景衡詩聞說吹

臺上秋來鎖薜蘿白雲常自在幽徑復誰過天末空愁眼尊前且浩歌山林與廊廟二者竟如何

漢

東甌王城 在城西五里甌浦孝惠三年舉高帝時越功

曰閩君搖功多其民便附乃立搖為東海王都東甌姚

氏云甌水名永嘉記水出永寧山行三十餘里去郡城

五里入江昔有東甌王都城有亭積石為道今猶在也

更記東越傳司馬貞索隱

永嘉縣志 卷二十一 古蹟 名勝 二 民國二十四年補刻

梅福隱居 在城西二十里梅嶼山漢梅福隱此故名康熙志

永寧縣城 永寧舊治在甌江北晉置郡始徙江南唐武

德中析永嘉復置永寧縣建治江北旋廢萬曆府志

三國吳

瞿素宅 在城東二十里瞿嶼山相傳吳列女瞿素所居

明一統志

晉

新城 去府城六里在江北賢宰鄉郭璞初議立城於此

後遷過江今其地為田野猶稱新城云方輿紀要萬曆府志案即漢

永嘉縣治

白鹿城

太寧元年初立永嘉郡時方建城有白鹿銜花

遂名其城為白鹿城五代梁開平初錢氏增築外城亦

曰羅城

明一統志
萬曆府志

二十八井

郡志始議建城郭璞登山相地錯立如北斗

於是城於山上且鑿二十八井以象列宿

方輿勝覽

舊郡治

晉太寧間建在華蓋松臺兩山之間謝靈運顏

延之典郡多亭閣園池之勝宋高宗臨溫以為行宮明

洪武元年以為衛治

國朝改為城守營署

名勝志
嘉靖通志
萬

麻乾隆府志

永嘉縣志

卷二十一

古蹟 名勝

三

民國二十四年補刻

李整宅

在城內習禮坊晉李整捨宅為崇安寺

萬曆府志

五馬坊

在舊郡治前王羲之守永嘉庭列五馬繡鞍金

勒出即控之今有五馬坊

方輿勝覽古今風俗通明一統志
宋楊蟠詩相傳有五

馬曾此立踟躕人愛使君好換鵝非俗書
又按謝靈運為永嘉太守以五馬自隨立五馬坊五馬亭竟洪慶

善韓文辨正及字典
馬字注附識於此

墨池

在墨池坊王右軍臨池作書洗硯於此米芾書墨

池二大寄

萬曆府志

明葉式記右軍刺溫多惠政政

南而戶祝之祠之東為墨池其制方其水泐或云即逸

少滌硯所至今水面時見墨點如蝌蚪汲之無有凡鴻

生碩儒游宦於茲者往往有所紀述使右軍無他善而

區區臨池之工亦何足志顧其平生履歷有大焉者此

溫之人所以拳拳斯池更千百載庶幾乎甘棠之風也

周旋詩何以清池喚墨池昔年臨此有義之千張贖

灑黃堂翰一派翻飛水墨支斜帶日光雖閃爍亂涵雲影尚淋漓學書老我猶成拙為表遺踪一賦詩

百里芳 自百里坊至平陽嶼一百里皆荷花王羲之自

南門登舟賞荷花卽此永嘉譜云南塘舊以荷花名夾

岸又多橋圍為夏秋勝賞方輿勝覽歐江逸志唐張

值荷花百里開民喜出行迎五馬全家知是使君來

富覽亭 在郭公山上登者不越几席而盡山水之勝額

係晉王羲之筆宋嘉祐三年知州楚建中重建明一統志萬麻

府 國朝同治 年巡道方鼎銳又建宋林季仲次韻

詩朝來爽氣自橫空躡屐登須學謝公似此江山何處

有合分風月與人同消磨萬古潮聲裏搖兀千林酒浪

中欲和陽春無好語尊前莫笑嘯嘯翁 遺迹榛蕪四十年使君跋馬故依然要將舊觀還騷客幻出新亭倚

永嘉縣志

卷二十一

古蹟 名勝

四 民國二十四年補刻

半天井邑參差圖障裏煙霞明滅酒尊前我今不是貧

居士買斷江山莫計錢 姜夔水調歌頭日落愛山紫

沙漲省潮回平生夢猶不到一葉渺西來欲訊桑田成

海人世了無知者魚鳥兩相猜天外玉笙杳子晉只空

臺倚闌干二三子總仙才爾歌遠游章句雲氣入吾杯

不問王郎五馬頗憶謝生雙屐處處長青苔東望赤城

近吾興亦悠哉 樓鑰詩城郭占佳勝眼高貞白鬣霜

天開浩蕩雲屋湧嵯峨四面山總好東瞻江最多腳跟

盤巨石吞吐任風波 翁卷詩借問海潮水往來何不

閑輕煙分近郭積雪蓋遙山魚舸汀鴻外僧廊鳥樹間

晚寒難獨立吟竟小詩還 元曹植孫富覽亭晴雪詩

浣紗潭 在城西南隅相傳晉孝女夜浣紗日成布處有

浣紗坊舊府志

飛霞洞 在積穀山南麓劉根隱此嘗乘赤霞至天台故

一夜江南白屋多

名萬麻府志

昇臺 在飛霞洞側劉根昇仙處巖上鐫昇臺二大字蒼

古異凡筆乾隆府志

宋

竹馬坊 在郡治東北謝康樂莅郡兒童騎竹馬迎之故

名萬麻府志

西堂 在州宅靈運嘗於西堂思詩竟日不就忽夢見惠

連即得池塘生春草大以為工云此語有神助非吾語

也方輿勝覽南史謝靈運傳宋楊蟠詩謝公何所憶白日看雲眠忽夢惠連弟遂得春草篇

池上樓 在舊郡治豐暇堂北萬麻府志謝靈運登池

永嘉縣志

卷二十一

古蹟 名勝

五

響遠音薄霄媿雲浮樓川作淵沈進德智所拙退耕力
不任徇祿返窮海卧病對空林衾枕昧節候寒開暫窺
臨傾耳聆波瀾舉目眺嶠嶽初景革緒風新陽改故陰
池塘生春草園柳變鳴禽祁祁傷幽歌萋萋感楚吟索
居易永久離羣難處心持
操豈獨古無問徵在今

謝公池 在積穀山麓又名看草池謝靈運嘗憩此池水

澄湛俗稱靈池太平寰宇記萬麻府志唐張又新謝

攀今來惟有靈池月謝公詩郭東南積穀山謝公曾在此躋

池詩寂寂綠巖畔謝公詩無數人不知康樂後池草幾回

春風國朝朱彝尊春草池詩謝公去已久空餘池上樓

春風園柳色朝夕使人愁林兆斗春草池詩紫馬行

池上草猶帶六朝青

白岸亭 在柎溪西南去州八十七里因岸沙白為名亦
謝靈運游賞處寰宇記謝靈運過白岸亭詩拂衣遵
沙坦緩步入蓬屋近澗涓密石遠山映

疎木空翠難強名魚釣易為曲援蘿臨青崖春心自相
屬交交止翅黃吻食苹鹿傷彼人百哀嘉爾承筐樂
榮悴迭去來窮通成休憾
未若長疎散萬事恆抱樸

讀書齋 城內西偏有謝康樂讀書齋晏殊類要讀書堂在舊

郡治謝靈運讀書於此明一統志謝靈運齋中讀書

乃歸山川心跡雙寂漠虛館絕爭訟空庭來鳥雀卧病

豐暇豫翰墨時間作懷抱觀古今寢食展戲謔既笑沮

觀達生還可託又讀書齋詩春事日已歇池塘曠幽

南亭 在城南一里許亦謝公游處寰宇記方輿勝覽

竟夕澄霽雲歸日西馳密林含餘清遠峯隱半規久痾

昏墊苦旅館眺郊岐澤蘭漸被徑芙蓉始發池未觀青

永嘉縣志 卷二十一 古蹟 名勝 六

賞心惟良知 國朝朱彝尊詩薄雲雨初

西射堂 在州治西南二里淨光山下靈運建暇則鳴琴

其中 寰宇記周行已浮汚記廣輿記案晏殊類要方輿

云今西山寺是也 謝靈運晚出西射堂詩步出西掖

門遙望城西岑連障疊巘青翠香深沈曉霜楓葉丹

夕曛嵐氣陰節往感不淺感來念已深羈雌戀舊侶迷

北亭 在州東北五里枕永嘉江圖經云太守謝靈運於

此與吏民別 別詩刀筆愧老杜棄繻慙終軍貴史寄子

長愛賦託子雲昔值休明初以此預人羣常呼城旁道

更歌憂逸民猶抱見素樸兼勉擁來勤定自懲伐檀亦

已驗惟塵晚未牽餘榮憩泊歐海濱時易速還周德乏

難濟振眷言徒矜傷靡術謝經綸矧乃卧沈疴鍼石苦

微身行久懷邱窟景景感秋旻旻秋有歸棹景景無淹
津前期眇已往後會邈無因貧者闕所贈風寒護爾身
春岸白時有看山人江南望江北

謝公樓 在拱辰門上本北門樓也謝靈運守郡時建恆

遊憩於此宋端平中守史彌忒撤而新之名曰江山勝

概樓 晏殊類要明一統志廣輿記戴栩江山勝槩樓記

遙想昔賢心人隨歲月有興廢名逐江山無古今殘日

汀邊生晚思斷雲簾外捲晴陰清風凜凜今何在芳草

池塘恨獨深 陳傅良和沈守持要詩危樓何在水雲

中穿市牙旗退自公間作此來橫笛夜愛看人醉落帆

風歡呼夾道江聲合硬語盤空客技窮

謝公亭 在江心寺之西南陬相傳靈運守郡時來游必
憩於此中有石刻像明宣德中寺僧曇旭脩後圯 國

永嘉縣志 卷二十一 古蹟 名勝 七

朝道光乙巳巡道慶康重建 何文淵謝公亭記孤嶼志

閒偶過中川寺孤嶼亭前對落暉欲策枯藤尋往事笑

摩蒼蘚讀殘碑江涵北郭天初霽草綠西堂夢已非惟

有風流消不盡海 天空闊鳥高飛

謝客巖 積穀山有謝客巖謝靈運書白雲曲春草吟於

石崖今已蕪沒惟謝客巖三篆字尙存 名勝志唐姚

子空餘舊林巒翠色媚車馬爽氣嚴衣冠天水影交碧

松竹聲相寒 宋趙抃詩嶺路古叢桐池樓半砌城干

年温俗意四榜謝公名奇傲留佳句遺思出至誠滔滔

蜃江水東注等休聲 徐璣初夏游謝客巖詩欲取紗

衣換天晴起細風清陰花落後長日鳥啼中水國乘舟
樂巖扉有徑通州人多到此猶自憶髯公 明劉南金
九日登謝客巖詩興來漫學晉風流控鶴亭前自在游
烏帽黃花重九節碧雲紅樹謝村秋乾坤渺渺還無際
塵世紛紛總若漚我又江湖為客去正須尊酒滌離愁
王一鵬詩載酒來尋石上書金鼓風骨自然殊風流

千載遺踪跡還覺人間筆硯麤 國朝袁枚過謝客巖
有懷康樂公詩一夢傳千古詩人重友于池塘應在此
春草綠如初水色芙蓉嫩苔痕展
齒疏相傳巖上篆猶是謝公書

謝村 在積穀山下謝公守永嘉愛山水美於會稽創第
鑿池於積穀山下去郡時留其家孫超祖侍太夫人於

此遂為永嘉人村因以名司空圖詩紅葉謝村秋是也

謝夢符鶴陽謝氏宗支記王瑞謝岸墓誌

望海亭 青奧山兩山對峙如門宋永明中郡守顏延之

於此築亭以望海名勝志唐張又新詩靈海涵澄匝

遺跡積水蒼茫一望中

梁

永嘉縣志

卷二十一 古蹟 名勝 八

真誥巖 大若山在府城西北一百五十里梁陶弘景於

此纂集真誥故又名真誥巖康熙府志元尹廷高詩

殿滴空巖雨廊穿別嶂霞對門孤石峭開牖亂峯斜欲跨蟾蜍背騰空采月華

蔣湛宅 在城西五十里建牙鄉梁普通初蔣渙為永嘉

守渙弟湛以西華奇山也留居不歸武帝賢而官之命

後守即廬授焉故鄉名建牙葉適知處州蔣公墓誌銘

唐

懷謝亭 永嘉合吳曾慕謝康樂風致構亭曰懷謝萬曆府志

舊縣治 永嘉縣即漢回浦縣之東甌鄉唐上元二年於

此置温州縣移在州東百八十步元和郡縣志

高陽公山亭 未詳所在 唐楊炯李舍人山亭詩序永嘉

墅也廊宇重複樓臺左右煙霞樓棟之間竹樹在汀洲之外龜山對出背東武而飛來鶴阜相臨向東吳而不進青溪數曲赤巖千丈廖廓兮恍惚似蓬嶺之難行深遠兮渺然若桃源之失路信可謂赤縣幽棲黃圖勝景從來八子闢高陽之邑居今日四郊逢舍人之置驛故知樊家失策遂作庾公之園習氏不游終成僕陰之地其人也凝脂點漆瓊樹瑤林學富文史言成準的葭葦為漢帝之親凡蔣是周公之裔田孟嘗之待客照飯無疑孔文舉之邀轡樽中自溢一冬事隙五日歸休奏金石而滿堂召琳瑯而觸目心焉而醉德焉而飽大隱朝市本無車馬之喧不出戶庭坐得雲霄之致於是百年無幾萬事徒勞惟談笑可以遣平生惟文字可以陳心賞既因良會咸請賦詩雖向之所歡已為陳迹俾千載之下感於斯文

上蒲館 在府城東七十里 明一統志 唐孟浩然永嘉

相逢處江村日暮時眾山遙對酒孤嶼共題詩廡宇鄰蛟室人煙接島夸鄉關萬餘里失路一相悲

永嘉縣志 卷二十一 古蹟 名勝 九 中華民國二十四年編

雁池 在城西南隅宿覺禪師妹元機悟道於此有羣雁

集池故名 康熙志 宋翁卷詩 包家門外柳垂垂搖蕩春風滿雁池為是城中最佳處每經過此立多時 徐照移家雁池詩 不向山中住城中住此身家貧兒廢學寺近佛為鄰雪長官河水鴻驚釣渚春夜來游嶽夢重 見日東人

劉沖宅 去郡東南四十里大羅山唐劉沖隱居處後人

稱廉讓里 萬麻府志

李集宅 唐宗室李集避地隱居茶山 舊志

後梁

子城 在府城內開平初錢氏增築內外二城 外城亦內

城亦日子城周三里十五步通四門內衛府治外環以

水元至正十三年廢為民居止存譙樓門址方輿紀要

譙樓 在舊郡治前開平中錢氏築元延祐年郡守趙鳳萬厓府志

儀修至正二十五年方明善繼脩林彬祖重脩譙樓碑 國朝順

治間燬康熙十二年副使許重華重建雍正元年郡守

芮復傳脩乾隆二十二年重脩乾隆府志道光十九年再脩

宋

推官廳 宋推官廳址今温州府治是也萬厓府志

李少和宅 永嘉大羅山宋李少和世居於此太宗真宗

屢召見之名勝志

周侃宅 在招賢巷舊志

永嘉縣志 卷二十一 古蹟 名勝

朱士廉宅 在城北仙桂鄉萬厓府志

蓮花莊 在會昌湖上宋鄭泰臣之故居舊府志宋楊

客今已化為塵一束青芻翼空思如玉人

思遠樓 在郡治西南宋郡守劉述建面西山羣峯臨會

昌湖里人於此觀競渡令人歌思遠樓前路之詞即此

是也後燬元郡守阿都赤復建方輿勝覽明一統志萬厓府志元林泉生重

建思遠樓記思遠樓在永嘉郡治之西冠山履湖為東

州勝地以其思致幽遠故名或曰為浮屠惠遠者非也

舊樓燬於至正辛巳之冬又明年癸未太守西夏嘉議

公廣其故址作崇臺高榭葺飛棟舉燦然加盛於舊既

成太守燕客其上遙望晴峯落日長河流雲林園茂密

禾麥滿野蒲菰苳芡之屬襍還川澗風颿煙艇漁歌樵

唱相往來應答於空濛杳靄間皆足以滌煩慮發幽趣

也公名阿都赤字孝卿由禮部出典是邦政務長厚云

宋紫適雪後思遠樓曉望詩
平急從高處賞已向歲前晴
樓頭接遠岫歷歷正分明
墮水涯憑闌對堤草鳴櫓飛
里餘藩籬孰定地相入如犬
旌芙蓉已銷落寒水浮枯葭
夫人各有思所異正與邪潮
君子善發慮身通心則遐徕
徘徊興未已古木啼昏鴉

醉經堂 丁昌期建 兩浙名賢錄

戲綵堂 在倅廳通判趙岵迎其父清獻公拊來遂以名

堂 方輿勝覽 宋趙抃留題戲綵堂示男岵詩我憩堂中樂可知優悠逾月意忘歸老萊不及吾兒少且著

朱衣勝綵衣 蘇轍寄題戲綵堂詩春晚安輿徧浙東永嘉別乘喜無窮橐裝已笑分諸子吏道何勞問薛公

堂上壽樽諸椽集室中塵論萬緣通 典闈卻返林泉趣幕府長流孝悌風

鐵闌井 在興文坊元祐辛未僧子暉置闌 詳見金石

永嘉縣志 卷二十一 古蹟 名勝 十一

紅雲閣 在舊郡治宋建簷外有紅梅二株又名紅霞閣

康熙府志 歐江逸志 宋楊蟠詩重重風日透花氣滿池塘誰把紅雲比紅雲無此香

紅雲樓 王十朋詩夢草池塘千頃蓮紅雲樓閣游人船

注永嘉有夢草池紅雲閣

翠幄軒 普寂院有翠幄軒宋高宗駐蹕之地前有榕樹

甚巨 孤嶼志 宋楊蟠詩海榕樹倒出皮幹亦輪囷或問壽幾許千年為一春

滄浪閣 在城內宋時建 明一統志 宋楊蟠詩萍實祇無為濯

纓來

海月堂 在孤嶼西峯下宋僧靈岳建今廢有石刻明郡

守洪覺山公像 孤嶼志 宋楊蟠詩杳杳壁沈水亭亭珠在淵落潮流不去還向定中圓

翠微亭 在太平山萬麻府志正當新雨晴遙山已可數木落更分明宋楊蟠詩飛蓋出西郭

清心堂 在舊郡治明一統志飲冰皆自持其間賢太守誰獨畏人知呂由誠詩夜榻卧看池上月曉窗吟聽

竹間風此心所得無多事要在靈源一點通

問月臺 在府治東宋時築楊蟠詩清光更有處莫只照

金樽明一統志

冷翠閣 在護國寺萬麻府志俯窺臨石厓明珠不待拾自濺入人來宋楊蟠詩山杪一泉迸

眾樂園 在舊郡治西迤北縱橫一里中有大池塘亭榭

碁布花木彙列宋時每歲二月開園設酌人羣歡會盡

永嘉縣志 卷二十一 古蹟 名勝

春而罷明一統志今府城隍廟是其址園仍舊名宋楊蟠詩

昨日折花者又隨蜂蝶來思量妨底事紅蕊續還開

放生池 在松臺山北宋楊蟠詩悠然已更樂知是鼎

雙蓮橋 在永寧門外舊有蓮花並蒂故名萬麻府志宋楊蟠詩昨

日采蓮者雙雙橋畔新舊花今不見喜見似花人

華蓋樓 在舊州治東有樓名華蓋又名東樓亦名華蓋

門宋郡守楊蟠有詩萬麻府志元李思衍華蓋樓詩

橫銀河一道江連海畫障四圍山繞城老樹烟雲春綠

陪小橋簾幕曉紅明陰陰翠影誰家屋夢覺草池鶯一聲

東樓 西樓 南樓 臨圃樓 並見楊蟠永嘉百詠四案

樓疑即子城門樓
臨園蓋北樓也

眾樂亭 蓮嶼亭 圓照亭 飛綃亭 柑園 並見楊

蟠永嘉百詠舊志

竹閣 見楊蟠永嘉百詠浙江通志宋劉安上獨游竹

水光清澗日野色遠連山許景衡招虞仲來竹閣詩一

來無伴侶乘興一躋攀出松臺祇應城市醺醺醉肯

諾定須遊竹閣多時凝望清見底仙山雨後翠成堆闌

百詠堂 在府治東萬麻府志宋許景衡詩林郭尋常

都吟過留與遊人取次看寂寂郊原秋色遠悠悠

望思亭 在余奧山嶺劉安上作劉安上記某生十有九

永嘉縣志 卷二十一 古蹟 名勝 三

緒餘能自樹立雖不辱其先每念不及一日之養未嘗

不追痛殞絕也及濫吹於朝偏親垂白既懼且喜方以

出入言路奉職惟謹而又不及朝夕之養亟欲請外以

歸以終窳事實荆溪余與山之原去先人之兆一里而

近從先志也夫合葬雖後世所尚然謂之古則不可故

後世有不合葬者世或未之罪也先人葬方潭山丙地

地小而狹舊不為壙今將窳而合之或撓動其神靈毀

傷其林木於小子安乎余與距方潭山轟轟相望也廬

居於山之下作亭於巔名之曰望思左乎高祖之所葬

也右乎先兄之所葬也登斯亭也若祖若父顧盼之間

靡不畢見既而望望而悲悲而思愀然省厥躬其不忝

前人乎則廬居之間不待訓諭告戒與夫座右之銘矣

既葬之年五月
二十三日記

追遠堂 適堂 在城西四里孝子仰忻建萬麻府志孝

慕終身眾所難夫君廬守志何堅自非追遠如存日肯爾忘歸不計年慈龍徧栽千歲柏影堂新對一爐煙巖頭月白寥寥夜獨咏南華奏五絃

水陸閣 在孤嶼西塔院下宋崇寧元年建明正統中寺

僧日菴重建萬厯辛卯王叔杲重脩取空水共澄鮮句

易名澄鮮今廢孤嶼志明黃鐘澄鮮閣詩對酒不辭

天燈影沈帷外鐘聲出枕邊獨憐今夕永孤鶴唳芝田

樓下畫清尊兼卜夜中流明月沉中秋波光直向滄溟

鴻桂影真從霄漢浮謾說西園飛蓋賞何如李郭在仙舟

絕境亭 在積穀山上周行已建名勝志宋周行已詩

削羣山列培塿眾水分脈絡下瞰萬瓦居縹緲見樓閣松風發天籟冷然眾音作晶晶天宇清塵襟一澄廓

永嘉縣志 卷二十一 古蹟 名勝 西

浮沚 在小雁池東畔周行已故居東甌遺事宋周行

然出油然歸有名無位凡民如也有鄉無居逆旅如也

就室淨光山之下古西射堂之遺址藁然小洲繚以勺

水予視吾生若漚起滅不常視吾生若萍去留無止以

吾無止之身而處暫寓之室聚沫也塵垢也蟬蛻也芻

狗也於吾何有哉政和歲在執徐六月癸丑颶風大作

橋斷門墮簷折雨漫乃易橋以舟堦北戶而南嚮增簷

為軒寄容足之苟安按爾雅水中可居曰洲其小者曰

沚人所為曰瀆予惡瀆之名而欣沚之義於是總其名

曰浮沚浮沚之西舊為小閣名曰漚閣浮沚之東新為

小軒名曰萍軒其北舊為門道所從出闕而為室名曰

浮室室者室也室吾心之陰幽不善也其南假道於鄰

引舟而渡到彼岸焉名曰筏渡渡者度一切陽明之善

也是吾居也因水而為洲因洲而為室因室而為名因

名而為義義皆浮義也寄焉宜也聊爾而已宜故吾不

獨浮其仕又且浮其居不獨浮其居又且浮其生然則

有之而何得無之而何失吾聞古之有道也貧而樂窮

而通豈謂是歟非曰能之願學焉記以自警

東山堂

在譚池坊周行已建

名勝志

宋翁卷詩城隍

煙霞起全無市井喧
鶴來巢木杪
龜出戲蒲根
消得吟詩客
憑闌看幾番
葉適詩城嶂標辰極
誰家特有山偏憐東崦好
只對此堂開
動石低簷住
流鶯拂檻還
仙關鎖瓊海
幽夢或時攀
趙汝回詩謝守登臨地
今為博士居
由來好山水
常得近詩書
洞與衡岳接
泉分玉井餘
年年為吟事
春草不教鋤
葉杲詩何處著詩癯
巖邊有隱廬
雲生草樹合
魚響夜潭虛
住久無他姓
山空隱讀書
平分謝池月
吾亦百年居

青牛塢

在華蓋山麓宋林靈素乘青牛於此因而得名

歧海環談引舊志

敬亭

在雁池宋儒鮑商霖建百餘年亭廢歸薛氏子舒

案舊基復作亭刻記其上

葉適敬亭後記萬麻府志宋張繹記鮑君商霖率二二三

子自永嘉來學於伊川先生勤苦自勵早夜孜孜不舍於是吾先生之門人以君為畏友也一日謂余曰永嘉

永嘉縣志

卷二十一

古蹟名勝

圭

素號繁麗而雁池又其衝也
吾家作亭於其南而中間大湖浩然若千里江濤之阻
吾將綵衣婆娑其下雖繁華於我何加予應之曰
噫子言過矣使子有主於中雖坐諸紛華中可也不然
特形苦而心馳一勺之水奈子何
昔吾聞諸先生曰學之道始乎敬而已
敬則實實則虛虛則無事矣
子推是言而求之慎思之明辨之篤行之含釀浸化亦將庶幾乎言未既商霖起拜曰予無敢言矣
吾今而後知夫子之道大而子不予欺也請名其亭曰敬

養源堂

在郡學每歲旦於堂上交拜敘賀

方輿勝覽

霜露堂

張輝城南人廬於墓者三年作霜露堂以享有

甘露降於庭人謂孝感

萬姓統譜

御覽閣

奎文閣

御覽閣

在金輿福聖寺宋高宗駐蹕

於此又有奎文閣元時燬閣前石塔羅列水中遺址猶

存萬麻府志

清輝堂 浴光精舍 在普寂院中宋高宗駐蹕此地御

書清輝浴光四字因名浴光久廢孤嶼志明王朝佐

不可溫熒熒孤嶼火猶存一坏未問長陵土兩字先勞

萬乘尊卓筆有鋒兵自弱投戈無志藝何論清輝堂上

重回首漫說旋乾與轉坤 萬歲埭 在拱北門內建炎四年二月己卯高宗次江心

寺庚寅移蹕温州自拱北門入百官父老拜伏道旁山

呼震地至今巷名萬歲埭萬麻府志宋王十朋駕幸

人咫尺見天威開關高帝尙鞍馬謹厚漢光猶絳衣北

斗城池增王氣東甌山水發清輝仁看天仗還京闕無

復旄頭 葦紫微 永嘉縣志 卷二十一 古蹟 名勝 六

行宮 高宗駕至温州以州治為行宮譙樓為朝門州宅

為宮禁萬麻府志

天慶宮 高宗駕至温州以開元寺為天慶宮奉安太廟

神御萬麻府志

行署 高宗駐蹕時都堂府在崇德寺右相都監衙在舊

南樓門州治在儒志坊張氏宅舊府志

下馬臺 在玄妙坊宋高宗謁天慶宮神御時於此下馬

萬麻府志

上安橋 在上門高宗旋駕問橋何名知州盧知原以上

安對高宗悅命金書橋萬麻府志

上門 定安門在城西北俗稱上門與來化永清二門相

聯宋高宗回鑾由此洪武十七年塞萬麻府志案

貢院 在城東北隅真華觀側南渡時建今廢惟存貢院

舊額及土地神祠乾隆府志案政海瓌譚舊貢院基

試貢院也宋貢院址在永清門底又案貢院作於宋禧

稽古閣 在府學紹興十年守程邁重建廟學做太學制

右為廟口大成殿後為閣曰稽古左為學中為養源堂

元延祐元年火五年均重建至正丁酉颶風閣摧廢萬麻

府志

獨醒亭 王琮雅林小稿題獨醒小亭詩注東嘉酒舍予

永嘉縣志 卷二十一 古蹟 名勝 七

所創詩云退食多留此儵然一散襟涼從曉來覺秋向

我共幽尋

林季仲宅 竹軒雜著去城二里許得地十餘畝水橫其

南兩山夾其東西鑿池植樹遂定我居堂曰知非亭曰

曲肱曰學圃

臞溪別墅 林季仲次韻趙表之郊行詩注余之別墅名

曰臞溪

忠義堂 在舊州治北紹興初太守程邁為顏魯公建六

年太守李光繪公像置堂上徙公親書告牒石刻於兩

旁鄭剛中忠義堂記

六檜堂 胡襄當宋運中微屏處華蓋山中忿秦檜誤

於堂階之下手植檜六本揭其匾曰六檜堂蓋以六之

音與戮同黃淮六檜堂集序

讀書臺 在孤嶼東塔院下宋王十朋讀書處今廢孤嶼志

宋莊 宋侍郎別業在思遠樓之南有軒名遙碧王十朋宋莊詩

注

夏仙里 在二十都夏元鼎隱西山修煉今其地名夏仙

里萬麻府志

流觴亭 在舊郡齋東偏宋守樓鑰建發池為曲水繪蘭

亭修禊圖於壁名勝志

永嘉縣志 卷二十一 古蹟 名勝 六

張仲梓宅 在謝池樓鑰張仲梓墓誌銘

醉樂亭 在城西五里西山宋郡守孫懋建萬麻府志因

城郭之近必有臨望之美為其人燕紆往來之地所以
合眾紀時消煩娛憂豈天固設之哉永嘉多大山在州
西者獨細而秀十數步內輒自為拱揖高不孤聳下亦
凝止陰陽附從向背以情水至城西南闊千尺自時巖
私鹽港綠野新橋陂蕩縱橫舟艇各出菱蓮中權歌相
應和已而皆會於思遠樓下士人以山水所到斯吉祥
也益深其崦百金一藏昧匠施僧阡壠交植歲將寒食
丈夫潔巾襪女子新簪珥掃塚而祭相與為遨嬉城內
外無居人焉故西山之遊為最著雖然地狹而專民多
而貧外有觀祔都雅之形其實無名園傑榭尤花異木
邀者雖心競不相下然或舉債移質為畢事而已固不
能鬪珍麗窮水陸也守長不察曰噫侈富甚矣貪胥所
窺暴令繩之必邏捕以酒奪其笑語械縛撻擊破產納
錢不如是權利不數倍嗟夫以翼從奢求一日之樂而
貽終年之憂不變者何也朝議大夫直龍圖閣宣城孫
公為郡之初訪民俗之所安而知其故至清明節始罷

惟弛禁縱民自飲又明年宅西山之中作新亭以休遊
者名曰醉樂取昔人醉能同其樂之義孫公性不喜飲
其政不專為寬蓋通民之願而務得其情如此亭成而
民歌樂之當是時四鄰水旱不常而永嘉獨屢熟殆天
亦以其人之和者應之歟古之善政者能防民之佚游
使從其教節民之醉飽使歸於德何者上無所以利以病
民也及其後也因民之自游而為之禦招民以極醉而
盡其利民猶有不得已故于記公之事既已賢於今日已薄而
人之類可哀也已故于記公之事既已賢於今日已薄而
病民者而推公之志又將進於古之所謂治民者也紹
熙五年五月

湖莊 陳謙別業有與造物游樓宋趙師秀和陳水雲湖

雲弄影昔誇春景妍今愛秋塘靜芳筵集賓彥清宴除
豔靚時當新雨餘蒼翠獻林嶺既忻沖抱舒復快遠日
騁仰嘉鐘鼎人而乃眷箕穎深營察高趣雅歌發沈景
獨使和者難一夕愁欲瘦又題與造物游樓詩何處
飛來縹緲空中人問惟有畫圖同兩層簾幕垂無地一片
笙簫起半空岸竹低添秋水碧渚蓮平接夕陽紅游人

永嘉縣志 卷二十一 古蹟 名勝 五

未達蒙莊旨虛倚闌千面面風

瓜廬 薛師石築室於會昌湖西名曰瓜廬趙汝回瓜廬詩序
宋趙師秀詩不作封侯念悠然遠世紛惟應種瓜事猶被讀
書分野水多於地春山半是雲吾生嫌已老學圃未如
君

徐照宅 在雁池徐照移家雁池詩已見前雁池下

林季任宅 在梅嶼梅溪集

中和樓 在舊郡治園內施守建萬麻府志

蔡幼學宅 在慶善坊萬麻府志

趙建大宅 在六都新建街萬麻府志

戴溪宅 戴溪築室岷岡山稱岷隱先生名勝志

松風閣 在淨光寺葉適詩城中雲日如火催淨光行食

清風來莫言作樓非急務翁當運斤兒執

駐鶴亭 在城南巽吉山宋白玉蟾曾駐此明一統志萬厓府志

葉適宅 永嘉有西湖南湖總謂之會昌湖宋葉適世居

西湖之水心號水心先生其所居有華堂名勝志萬厓府志宋葉

適水心即事六首生薑門外山如染山水娛人歲月長

淨社傾城同袂飲法明闔郭共燒香我久無家今謾

歸賣田買宅事交違填高幫闕為深費柱小簷低可厚

非 雖有蓮荷浸屋東暑煩睡過一陂紅秋來人意稍

蘇醒似惜霜前零亂風拒霜前插花疎疎甘菊新移

日曬枯花草至今如此在幾時寫作會昌圖聽唱三

更離裏論白旁單漿水心村潮回再入家家浦月上還

當處處門 吳翁肥遜逾七十木老芝荒手自鋤惠我

篇章成錦字西 鄰得伴亦堪書

永嘉縣志 卷二十一 古蹟 名勝 三

燕樂堂 上田戴氏族譜戴桷行狀公得怔忡之疾前後

五稔作疏辭上恩悵勞除直煥章閣主管紹興府鴻禧

觀告詞有曰岷隱春容式燕鄉枌之樂公築堂扁曰燕

樂以侈上賜

文峰樓 宋陳聖元早舉於鄉建此樓吟咏自適舊志

夢草堂 在舊郡治後宋建即晉之西堂謝靈運夢惠連

之處元至元中浙東宣慰使洪模復建明正統間方伯

謝宏治己未署溫衛陳侯兩次重建萬厓府志高賓今

復廢址存宋真山民詩留得斯堂萬古名江山不敢閉

浦詩香流未歇東家魂冷喚難醒當時園柳俱塵迹惟

有鳴禽尚可聽 明劉基夢草堂遺使詩即事在自得

強歌非正音所以春草旬聲價重兼金若人千載下
響邈難尋淒涼一池塘賴爾得至今我來當杪秋天
潢潦沈枯荷有餘香衰柳無殘陰鼓鼙響未已山水
徒深感時念兄弟惻愴傷我心鮑武詩不是耽佳句
憐渠友愛情至今荒砌岸草色泛餘清

觀瀾軒 在城宋建舊府志

挾海樓 在康樂坊宋官酒樓康熙府志

八仙樓 在東北隅宋官酒樓康熙府志

伊導宅 在縣西南孝義鄉伊孝子居此舊志

潘希白宅 在柳塘萬姓統譜

留雲亭 在積穀山巔又名積穀亭屹立危巖俯瞰大海

為一方壯觀明萬厯間重建改名東柄後仍名留雲久

永嘉縣志 卷二十一 古蹟 名勝 三

圮 國朝雍正間分巡道芮復傳重建萬厯康熙乾隆府志光緒

二年督辦鹽釐鄒仁溥脩宋林景熙詩截業鎮九斗巔

開珠亭永懷謝康樂坐嘯山水城曠代得真契登臨有

餘情松風灑六月使我毛骨清猿鳥亦仙意人土何營

營石麟卧荒麓問此誰氏瑩野老向我言其人昔公卿

珠玉照黃壤送者冠蓋傾華休變百年所寶非脩名乃

知鐘鼎貴不如芝蕨馨所以世外人返老還吾嬰倚杖

空歎息洞口雲冥冥國朝何應溥詩翠色湧東城華

蓋連積穀古洞飛丹霞仙跡留白鹿登臨暢襟抱視聽

豁心目海影三千尋人烟十萬屋劉根逸駕遙謝客清

風穆雞嶺偃青蘿龜池披紫蓼山川不改顏雲物長如
沐舊址一朝新孤亭相望望七星聯絡躔九斗儀形肅
石磴上層層松蔭起謾凌虛接太清
聳立迎東旭愛此不時來倚杖留雲宿
驂鸞亭 在積穀山明邢昉歌永嘉城東積穀山山峯龍
仆石且列字跡漫滅可尋緝乃云此亭名驂鸞劉君煉
藥茲山頂欲往天台未遑迴紫靈之君居赤城丹霞彩

鳳相逢迎昔遊洞庭徧諸嶺曾見毛公二丹井靈境空
嗟想像難仙踪尚覺幽思耿亭前殘碣勿毀棄其中載
有毛公事

安雅亭 在子城上後改吹笙臺留守勅樓改名拱北康熙

府志

秋月臺 在子城上舊府志

芙蓉亭 在舊郡治天池中三面皆荷花太守暑月治事

於此後名君子堂萬曆府志

豐暇堂 在舊郡治池上樓南萬曆府志

秋香堂 在舊郡治後萬曆府志

澄心閣 在舊郡治秋香堂東萬曆府志

永嘉縣志 卷二十一 古蹟 名勝 三

道愛堂 在舊郡治中萬曆府志

林氏筠栖 林霽山集納涼過林氏居詩注温州城南人

其家多竹號筠栖

雙檜堂 在城內林景熙為魯聖可行可賦雙檜堂詩魚

手植豈無意貞固已作層霄期稟含芝朮體松柏容成

山下神仙宅清陰冉冉生庭除綠莎纖纖護琴册風簷

對語如索詩君家伯仲諧壘篔簹養成材器豐且碩蓄洩

雲雨蟠蛟螭黃州謫臣坐詩累杳杳蟄龍空九地蒼根

元 總政堂 在郡治至元庚辰建元趙鳳儀記總政堂者府

絲然紛者整之散者一之總之義也温為浙左上路領

二州二縣坐總政者有監有長有貳佐領學而裘振也

表正而影從也其總政之義與堂始於至元庚辰距今四十年而興初顛末無一語以示厥後予以延祐丁巳冬來守詢吏民莫知所對作而言曰是予責也已春秋一門一臺之微必書慎其事也况總庶政達萬民者乎是宜書

一鏡池 在府學延祐五年鑿廣輿記篤

四時萬象亭 在城北門江濱明一統志

幽慵齋 高則誠有幽慵齋東甌遺事元高明幽慵齋

雨餘青苔無人掃永日謝軒車清風忽南來吹墮几士書夢覺聞啼鳥雲山滿吾廬安得嵇中散樽酒相嬉娛

半江亭 在安溪元喬夢符半江亭上憑闌擲鼓樓船弭節江

灣金虎懸符玉龍立架竹樹生寒綠波轉秋回俊眼翠雲堆晚列歌鬢尊酒開顏如此江山人在蓬壺圖畫間

帝師殿 在華蓋山下柳貫碑記

永嘉縣志 卷二十一 古蹟 名勝 三

清芬閣 在城西南隅婁鎬祖所建鎬命名陳高記温城

者二萬家葺連棟接簇簇若蜂房只尺空隙地不易得故各為重屋以處層樓飛閣翼起相望於湫隘喧闕之中而有閒靜幽雅之趣吏胥叫囂隳突稍遠於耳目可以舒懷抱集賓友游焉而文藝樂焉而絃歌則非特凭高眺遠而已婁鎬周宅城之西南隅居臨巷道且近市為閣堂屋之上名曰清芬蓋其先祖所建而名則鼎周所命也閣之為間者五衡廣六尋縱二尋有半中可坐數十人南北各列牖望見遠山壁立其左右兩間設茵榻蓄圖籍鼎周之先子竹近處士某性雅好士遇佳友至則延而居之讀書鼓琴投壺奕棋觴咏相樂以窮昕夕鄉之先達進士鄭君儔項君仲升章君仕堯彭君庭堅皆嘗游憩是閣者至正甲辰之歲黃巖商君復來正郡學鼎周舍焉予每過商君必登閣而坐鼎周及其子觀輒款留講論古今觀年弱冠善執弟子禮且好文以致賢士來游而相與誦先人之清芬以見于斯閣也所其在茲乎吾聞婁氏之先世有諱寅亮者登宋甲科高宗時為御史論建儲事連疏請選立太子天下稱其賢

是其清芬之遠播愈久而不泯者尤可誦也觀來請記故書之以示後人云

棲雲精舍

在吹臺山下陳光祖建

陳高銘并序同郡陳光祖字用賓葬其母

於祖塋之側在吹簫臺山下距城二十里構屋於墓左用賓居息讀書其中集賢學士陳公扁之曰棲雲精舍以飛白法作大字書之蓋西南之山吹臺最高其上嘗有雲氣繆繆故以名云然用賓之構茲室而居焉者豈徒愛吹臺之雲乎哉蓋不忘其母也

孝子之道不忍死其親故親歿而不忘焉親歿而不忘則必思所以顯其親矣思所以顯其親惡可以他求哉反諸己焉而已耳用賓讀聖賢之書以修其身以善其行身修行立而聲譽流聞斯有以顯其親矣因銘其室使之朝夕觀省而加勉焉銘曰吹臺之山眾阜所宗維岡崔嵬其雲溶溶趾麓迤延風氣盤礴厥草維茂叢木沃若有釜者封於山之陽依其先塋陳母之藏陳母有子孝思弗替爰集我室爰居爰憩爰誦我詩爰讀我書敬親遺體永矢弗渝翳彼嘉樹曰松與檟秀色千霄雲蔭其下猗歟茲室樓雲是名匪雲之樓廣學以成嗟陳氏子旦夕兢惕式顯其親令聞無斁

永嘉縣志

卷二十一

古蹟 名勝

三

明

江山一覽亭

在華蓋山巔嘉靖年重建改為吸江亭萬

厯戊子巡道蔡廷臣重建改名大觀

國朝雍正間巡

道芮復傳重建

萬厯乾隆府志

道光二十七年毀於颶同治六

年知府戴槃重建

明趙諫詩東山山上獨凭闌遠近都歸指顧間靈運詩魂迷短碣葛公丹

氣燭靈壇乘軒鶴去吹臺冷灑翰人亡墨沼開我愛使君才獨步作詩留與後人看侯一元大觀亭詩華蓋倚城巔登臨萬木烟亭孤當落日江遠欲浮天雙樹春雲裏孤舟野水前春心成浩揚一倍惜離筵戴宗獻九日登大觀亭詩端居乏騎結羈懷良耿借此重九游振衣蒼翠頂心目頓超豁豁然開奇境蕭颯沸松濤熹微落景緬惟古賢踪風流俄頃鴻濛不可遡身世賞際景緬惟古賢踪風流俄頃鴻濛不可遡身世同浮梗悠悠千古心此意誰能領國朝嵇宗孟飲大觀亭詩山亭六月晝生寒夏只登臨騁大觀城市九峯

連斗極海天萬里靖波瀾羅浮漢漢人家古孤嶼離離
樹影寬最是風流王逸少至今五馬復追歡鹿城萬
堞羨名區極目桑田風景殊松冷荒臺僧戲馬月明華
表鶴攜雛移情山水忘絲竹載酒雲霄坐畫圖海上櫓
樓今飲至也教
河朔醉吾徒

愛竹山房 在普安坊西蔣允汶所居子德昭題其書舍

曰愛竹山房 蘇伯衡記始予抵永嘉訪王君如淵過普

翠光彩奪目顧謂同行者曰隱君子攸居同竹樹蒼
以知之予曰嘗聞君子之所鍾則在其屋室門戶之間猶珠
為之津華其善色之所鍾則在其屋室門戶之間猶珠
生而岸不枯地有寶藏則神明之先舒也是以候息耗
者不求於人而觀其山川草木屋室門戶焉今歲云暮
天地閉塞冰雪沍凝萬彙摧殘而竹之在是家者蒼翠
乃爾雖曰其受命也獨抑豈非隱德之休徵與同行者
曰此蔣先生之廬也予因介王君就見先生睹其儀形
接其緒論休休焉盛德之君子也出曰庚桑楚居畏壘
之山而畏壘大穰君子之善慶足以沾溉一鄉也久矣

永嘉縣志

卷二十一

古蹟 名勝

三

民國二十四年補刻

況植物在其庭砌間乎顧瞻久之然後去他日王君語
予曰今龍泉文學字德昭者先生子也方德昭未出仕
時題其書舍曰愛竹山房事親之暇則學於斯蓋先生
平居於世間一切物奉不好而獨好竹林立其廬之前
後左右者皆手自封植拊之如嬰兒待之如益友德昭
以先生甚好之也護視尤謹謹焉此山房之所以名愛
竹也願為德昭記之予謂夫竹冬夏不變有貞介之節
焉特立不撓有幽獨之操焉虛其中抱道之器也直其
外卓行之表也實有似乎君子故君子好之非君子雖
有竹不好也先生泊然無欲澹然無所好而惟竹是好
豈不以物非人而有同於人者歟父母之所愛亦愛之
善事親者也則德昭之於竹宜何如其愛哉推德昭之
心豈愛親之愛雖一物之微不敢忽而因以及其大者
乎亦欲推此以學其學而行其行乎引讀書之澤藹鄉
邦之譽而為蔣氏賢孝子弟宜矣而豈多得哉吁善慶
所鍾固無間於人物也然而物之生豈可與人之生同
白而語乎今蔣氏之圃猶有若斯竹之美蔣氏之門宜
其有若德昭之賢人孰無子而先生之子材獨克肖異
乎人之子有由然矣因述為記欲
知一家之善者尚有所觀覽焉

水北山居 在江北葉伯攸故居明宋濂記古之君子其

葛恬然視之而却有山林之遐思焉今之君子其在山
林雖清曠有餘往往嗤鄙為不足而數與朝市之外慕
唯恐失之豈人之彝性或固然歟抑習俗相承之久而
弗克變歟有能特立而不為所移者殆所謂益盎中之
古壘洗也湖府經歷葉君伯攸世居永嘉城中永嘉為
海右名郡南引七閩東連二浙宜車士轍之所憩止番
舶夷琛之所填委氣勢薰醜聲光淪浹人生其間孰不
聞雞而興奔走於塵土冥茫中以遂其尺寸之欲伯
攸則不然結廬屋江之北茅檐竹扉僅蔽風日名之曰
水北山居間與二三友攜酒壺出由白鹿城登華蓋山
持盃浩歌聲振林木或權短艇具笮簪垂綸於江水中
或呼小奚奴相隨行吟夢草堂上詩句不逼古人不欲
休當其適意時乾坤空闊竟不知榮辱之代遷而寒暑
之往來也人皆曰賢哉吾伯攸高情逸韻曠曠外跡
雖朝市而心實山林其近於古之君子哉然予竊有疑
焉使伯攸為布衣時假此以洗心滌慮庶幾可也今佐
大府為元僚任七品之職聳四民之望亦云重矣而猶
不忘乎山居無乃不可乎試以伯攸之意逆之官書叢

永嘉縣志

卷二十一

古蹟 名勝

三

脞不暇爬梳戴星出入猶以為不足其能索句於寂寞
之濱乎上承乎府公下轄乎掾曹不敢抗之以為高不
欲抑之以為卑慮宜詳矣其能釣滄波而出白魚乎民
情真偽而莫之辨官事鞅掌而莫之集疑思入乎芒杪
精析極乎毫釐其又能激醪看山而流連光景乎是三
者伯攸今咸無之又知道之不置者將馮夢以見之耶
或志之以示不能忘我知之矣士君子不以出處二其
心故賤貧不能懾貴富不能驕始終一節卓為名臣伯
攸之賢可稱道者蓋如是而已其視朝得簪笏暮厭雲
泉者賢不肖果如何哉雖然予猶有一說為伯攸告焉
當大明麗天萬物畢照名一藝者必收占一才者必庸
有如伯攸之學之美誰不羨之其有不登於樞要者乎
伯攸宜悉屏江湖之念而益存魏闕之思俟他日功成
名遂歸老於水北山居岸巾而坐與二三友追敘平生
舊游烹鮮酣暢從容而賦詩尚未晚也贊禮郎張生
子翊嘗從予游力為伯攸求記其事故相與一言之

還林書屋 在南禪湖上海窗金先生之居黃淮金

黃淮宅 在幞頭河扁賜歸堂前有奎文亭奉勒宣宗賜

贈詩萬曆府志

御書樓 在幞頭河黃淮建

康熙府志 介孤亭御札留輔臣僅此寄

賜謀獨賢幾載郎官簿畫棟飛 春詩早折天香近御筵高岡卓識邁羣賢東宮曾奉九重日西苑經披五色煙集著省愆垂奕葉船書畫憶當年只今風雨荒樓上寂寂春深聽杜鵑

五美園 在茶山

明黃淮詩 清曉肩輿入翠微溪流曲折不非翠竹黃花俱淨供風聲鳥語總禪機碧潭龍女知人意收拾陰雲送客歸張孚敬詩 我有山東一畝宅

還憶山西五美園落日放舟循橋浦輕霞入路是桃源不嫌老大無詩律但得親朋有酒尊信是欲行天下獨

祇應日月

水亭 在五十都鶴陽謝庭循建嘗圖以呈宣宗御製詩

賜之遂名寶翰嘉靖中謝尚旦新之名曰鎮川勒詩於

永嘉縣志

卷二十一

古蹟 名勝

三

石萬曆府志 鶴陽謝氏家集宣宗詩 臨流亭館淨無塵落澗泉聲處處聞半濕半乾花上露飛來飛去嶺

頭雲翠迷洞口松干箇白占林梢鶴一羣此地清幽人不到惟留風月與平分

靜樂軒 謝庭循嘗以靜樂名其軒士大夫與之游者皆

為賦靜樂之詩金幼孜靜樂軒詩序 宣宗靜樂詩賜

門殘霞收赤氣新月破黃昏已覺乾坤靜 都無市井喧陰陽有恆理斯與達人論

永感堂

舊志 明劉定之永感堂銘并序翰林修撰周君

天下士列職禁近優承寵渥曠父以己官母為太安人

然君雖揚名顯親光於家邦而常抱終天之戚不少忘

於懷適以永感名堂可謂孝矣予忝與僚之末僭為銘

日東甌之山遙瞰滄海含清毓秀是啟其祥以際聖世巍

為積善門繫君父母孔仁且溫於親祠龍章象服冠珮

擢茂科燧居近侍於顯君恩賁深感喟然寤慨遺書斯

存遺音益遐蕭閣是敬藻績爰加拜首稽顙涕淚霑臆

神之格思天兮罔極白雲悠悠蔭於松楸千里萬里或春或秋吁嗟遠矣何以報之移孝為忠尚允蹈之功名卓偉式之所生祀以五鼎永昭厥聲

懷勝樓 在象浦驛舊府志月思無以騁使客之懷按江山之勝

復作樓於驛之右既成與客時登焉諸山鬱然環列几下江流瀾瀾左右合抱如帶兩浮屠屹立水中儼若美

侍從相向巒巒氤氳如炊則雨既雨則瀑布泐綿添白旭日乍臨夕春將暝昏曉相繼晴光霞彩煊爛舒卷樹

色之淺深潮汐之進退時刻幻化若良工持五色筆極其塗抹點綴幅幅殊態罔不令人聳視而於於懷也夫

樓懷於江山為勝將使人物俱孕斯美人以樓而得懷江山之勝則所見益高明懷其勝而得所以勝仁知者

之樂也樓云乎哉

三光亭宏治志明姚駿記予自乙未冬受命拜今職明軍館朝暮往還館在開元寺東環繞皆僧舍無退思之所館北隅有池廣可六十尺予中分之架木為梁鋪板

永嘉縣志 卷二十一 古蹟 名勝 天

為地作亭其上開三面以通三光疎樞橫檻規模軒豁遂命之日三光亭

省耕樓 在廣化廂成化間建在此勸農今圯乾隆府志

活水亭 在學署後煉丹井之上永嘉縣學宮圖舊志作問水亭誤

瑤溪精舍 在五都瑤溪成化間張慕本築後為鍾秀園

有來鷗亭千橘亭溪山一覽亭留勝亭張氏聞知錄

芙蓉亭 在開元寺王瓚讀書僧舍五月芙蓉盛開後榜

眼及第因名按一在府治已見前

奎光閣 在縣學大成殿後知縣王獻臣建背山面殿積

書數千卷以資講誦李東陽記見文外編

醉筠亭 在華蓋山麓邑令李不顯建萬曆府志

慕雲樓 長春亭 在飛霞洞下王悠深建

項喬長春亭記溫城東南

隅有積穀山山城下有飛霞洞志傳劉道士飛仙之所也五馬王洪甫氏以厥翁竹亭先生愛其勝即構屋恣游其下卒則為慕雲樓以志感間又鑿池畜鮒供母氏所嘗嗜焉洞有甘泉井隔河而艱於濟渡洪甫又造梁開道以通之隱然蘇耽一橋井也洪甫其隱身醫流而能知大義者耶前令尹石厓周公取其能起死回生廉其能悅親利物遂給券胙之山麓用勵溫民之未知義者鄉人稱快君子避之經今十五年矣洪甫雜植花木日讀書施藥其中暇則拉賓友雅歌投壺雖靜夜而生香不斷雖涸寒而燕笑語兮和煦之氣藹如也是歲某月某日又有長春亭之築其內第嚴汝晦來告予故求記之予廣洪甫作亭之意殆止於是乎吾將為洪甫發之或以四時之序有春則有秋秋來則春往矣何謂之長春也嗚呼是殆知溫然者為春而不知鼓之雲靈與潤之風雨同一生意也天下之物不剝落則不能敷榮天地之化不翕聚則不能發散故殺者亦所以為生正之以義亦育之以仁也孰謂天地之春不長在吾人肺腑哉然擬此於聖賢豪傑大夫師長可也洪甫以醫名

永嘉縣志

卷二十一

古蹟 名勝

三 民國二十四年補刻

醫生道也殺非仁術矣何以名亭哉殊不知岐黃倉扁之聖神工巧其用參芪歸朮以壯魄扶元固所以生之也遇癰疽贅瘤之病雖不免焉執七首以裂其膚投葷砒以潰其肉而亦非所以致之死也洪甫出奇制勝予嘗三折肱矣知其為醫師之良真無敵於天下者也名亭之意殆不在是乎然而雲之慕鯽之畜為梁通道之意皆聖賢常生之理推之而皆準動之而罔不利者非徒挾醫自鳴者也何專以是名亭乎哉洪甫之意必曰人心之仁常普於萬物猶之天地之春常行於四時仁不擇人而施猶之春不擇地而至故在明都而品物惟熙在窮谷而陽和不失在梧檀固長其柯條在荆棘亦養其芒刺子之者無愛憎受之者無恩怨蓋大造之仁也一有所擇則仁有間斷而春不能長矣吾非仁人也豈能無慊然於此亭亭以是扁亦銘盤刻劍之意耳然又以醫傳其子曰光宙光宣者以是相生於無窮雖謂斯亭之立與春同長亦可也項子與其弟應辰氏為道義交游而知洪甫氏頗悉故擴其未發之意有如此者嚴子曰善哉善哉洪甫氏聞之謂子曰他人有心子付度之夫子之謂也請記之洪甫名悠深霞山其別號云

仰止亭 在永嘉學宮之北舊東山書院西安治間知縣林廷璣創建旋就傾圮正德辛巳憲副張公淮規復學宮舊基建東山書院又得仰止亭廢址少折而西重建是亭邑人葉式爲之記文詳金石

抱忠堂 在貞義書院內嘉靖戊子張孚敬奉敕建張氏聞知錄

御書樓 在天官第左嘉靖壬辰建豐麗博做戊午燬於

倭張氏聞知錄

萬竹亭 在五都瑤溪張少師建

張文忠舊第

在松臺山麓

國朝周茂源過張第詩賜第松臺麓元臣

永嘉縣志

卷二十一

古蹟 名勝

三

民國二十四年

優天章懸廢閣相印沒荒邱議奪千官氣身無十世謀立談工巷遇何似富民侯

寶綸樓 在松臺山麓張孚敬第前嘉靖十三年敕建中

藏御札八百七十五道詩文五十二道

萬麻府志張氏聞知錄國朝

陶元藻東甌雜詠詩峨峨賜第彩雲浮爭說羅山寵未休五十二篇宮禁草蒼龜銜出寶綸樓

榮恩堂 在寶綸樓後嘉靖丁酉建獻皇帝睿筆榮恩堂

三大字世宗題皇考手澤四字旁註孝子皇帝識五字

萬麻府志張氏聞知錄案聞知錄榮恩堂有二一在京師長安門西

慕恩亭

在榮恩堂後嘉靖丁酉建

萬麻府志張氏聞知錄案聞知錄一在

京師榮恩堂後

制敕亭

在寶綸樓前碑七勒制敕二十一道今廢

康熙府志

四召亭 在賜第西碑三勒制敕六道今廢康熙府志

朝闕亭 在松臺山頂今廢康熙府志

來青園 在瑤溪家廟後張氏聞知錄

富春園 在羅峯書院側張氏聞知錄

眾芳園 在松臺里賜第張氏聞知錄

妝樓 在賜第西張氏聞知錄

鶴林亭 在慈山王激讀書於此嘉靖間邑令周岱建亭

萬曆府志

揖峯亭 在回鶴山巔俯瞰江郡守龔秉德建嘉靖志

王達齋登揖峯亭詩重到歐江節屆秋揖峯攬勝陟高樓片帆遠影雲中見古樹遙看波上浮康樂當年稱蘊

永嘉縣志 卷二十一 古蹟 名勝 三

藉元龍此日繼風流敲詩默會禪關妙澹泊襟懷意氣投公餘寄興海濱樓回首春明話舊游九聲傳萬慮

靜三山楓落一江秋談心人發情逾暢味道忘機意更投垂老歡場惟好友繁華無夢覓清幽

玉介園 在華蓋山麓王澈徙郡墨池建傳忠堂後為玉

介園 國朝康熙中因屯營借總兵作署明焦竑記錢塘以南名巒

噢藪無慮數百而永嘉為最玉蒼雁蕩華蓋仙巖所在

處較蒼嫖諸峯華蓋為最由華蓋而下旁睨太玉西偏

蕭如蒼葱沈莞表十畝許則陽谷玉使君所構園稱玉

介云玉介創自嘉靖己未歷丁卯再而丁丑乃得落中

間與計借暨秉節懸車凡數更歲始故多樹橋已樹菊

已樹松竹槐柳周外垣已樹名花雜卉棋錯圃中凡數

更樹自其家食時手關榛莽購市廬為益左隅筮仕而

屬其友程君以善菊倚辦詩藝即日相竭蹶從事食指

無怨迨返初服斤人豨人圃人沼人相竭蹶從事食指

不下數什百考焉凡數易手余嘗一闕其勝則由叢槐

引道西向門以入為園雲徑折而東為園故樹橋處霜

時黃繡綠櫺爽便憶長公橙橘之句顏曰最景其初畧也中結雙檜為亭亭際雜蒔桂芷夾徑而松振衣上為爽然臺遙睇海上遠近諸山列岫如畫下瞰方池泉涓涓比雲披炎蒸立却亭懷矣由臺再折而東斤竹琳琅鱗蘭館館後靜室丈許奉大士前臨池較方池小殺多列鈎盤畜蒲草可以齋此東偏一勝會也由叢蘭折而西屋凡數楹屏山茶而列羣石多聚牡丹善本花時踞芎扶春逗山人眉睫北當海壇嘉樹美篠巧相蔽虧為華麓山房稍西旋數武門而入古檜如虬庭名三星多種寶珠障之有軒輦如去華蓋可二百武而朝嵐夕靄月浸雨濛靡非軒有署曰挹華背有老槐偃蹇垂垂石鳴石若太湖若英德若錦川花若玉蘭若海棠若謝豹若川鵲若紫薇安石榴宛嵌玲瓏若翔若舞於軒之下而與華蓋相映射右連側徑山雲莽互下襲人裾榜其扉口翠雲此西偏一大勝會也由翠雲入折而南為餐英館秋菊盈把拍浮延仁可當東籬館折而北東面橘園為青旭樓故高周覽玉介層巒紆徑不遺梯毫而初日從東海湧輪而出烟入翠叢丹峯紺宇種種絕麗故一奇也循梯下多藏書暨名畫可偃可矚憑欄而眺墨池

在焉為之軒曰右軍洗硯處蓋使君自東厓翁徙墨池坊得玉介而撮其勝從初也旁翼為寮為福為庖為厝薪十餘楹盡而徑出團雲蒼雪復周履綦矣稍衡入逼太玉而堂觀察蔡公過而額其堂曰玉輝從玉介也蓮亭亭出水而亭其西偏仰睇華蓋太玉如列障扁曰玉華凝翠當月夕泉竹演迤流光漸映始溶然已皜然如珉如瓊如坐冰壺此玉介佳絕處也玉介既以太玉勝則援華蓋重而華蓋既以玉介重則使君愈益以華蓋為玉介勝半嶺而寺為資福故宋林靈素故址也其僧謀曰自有靈素有寺寺故饒山水堪眺聽自寺圮而臺宇亭榭夷於林莽自吾為玉介而若不愛華蓋佐我我靈愛玉介之意佐若侍寺葺圯者斥隘者除翳者林林桂柏通華蓋而上者一由徑拾級歸然太玉洞天矣杳靄峭宮似塹似蛻水澗澗石罅問口蒙泉再拾級龍口如注曰清泉因泉而亭者二由清泉下鼎故宇而新之著亦二為東甌王廟為王謝祠再級乃達資福資福負華脊而俯全嘉左江右溪羣山四市萬井之煙繚繞睥睨間乃綽楔而榜之曰江山勝覽左隙地斥而為堂者一日華陽淨宇背為菴者一以檻計者九曰上方

頌臨江流出趾下孤利中涌雙塔排空積霽浮濤著眼
如擁至如雲歸鳥還僧臘初定下際蒼涼不復見有園
闡處真堪遺世稍數折盤旋樓畔披陰而上為臺者一
曰雙樹再折而南踞華頂為亭者又一日大觀居此則
雲氣四絕川原若迴俯指玉介蛇徑透迤蒼蔚浮動盈
盈若在襟帶迫而索所為挹華最景又微茫若失矣太
史氏曰士大夫斬用世而不盡其用往往用之山厓水
間自逸而山與水不必與上大直則務為圍圃多登
石引水廣亭榭為愉快第人者贏而天者則則虎豹窟不
巧如奇章履道人耳其天者不珠宇琳宮則則虎豹窟不
為士大夫有乃以使君玉介面華左洞杖而過玉介而
仰而眠者非盡玉介也則非盡使君力也杖而過華蓋
而頰而眠者又非盡華蓋也則又非盡使君力也天
與人交伸於兩仗而處乎不爭不盡使君力也天
為使君有異日者再過玉介凌華蓋絕項顛上方菴問
君所有者作何觀所為用而不盡其用君有所有之矣
瑯琊焦竑弱侯書王叔臬温中丞見枉玉介園賦詩
司馬輅車下鹿城野人鋤徑有逢迎深杯似借蓬蒿傲
小隊誰令鷗鳥驚雨過千山瞻紫氣風迴大海作春聲
經綸宇宙須公力世路羊腸久憚行何自王季中光

永嘉縣志

卷二十一

古蹟 名勝

三

祿玉介園紅白梅花盛開為高會紀勝詩瓊樹懸燈照
萬花花間深夜醉琵琶誤疑曉雲羅浮雪海日先蒸庚
嶺霞 糝徑繁英繡作茵幕天珠樹暗香塵儂家自有
花為幄步幃虛藏梓澤春東圃今春春鼓遲勒寒千
樹尚垂垂青衣欲奏風前笛愁倚胡牀未敢吹 寒豔
流輝照巨羅橫斜疎影度纖阿雲霞齊布天孫錦珠斗
離離出絳河丹素齋開四照林林端空翠覆松陰紅
煙半染春雲濕絳蠟微昏紫霧沈 似挾飛仙宴玉京
瑤華樹樹照層城醉披宮錦呼明月更向昆邱頂上行
舞滿身風露潤紅潮羣玉峯前春樹搖劍著接羅鸚鵡
差開名園萬樹寒飄霰作賦誰當水部才 那防過王
開先王介園登青旭樓望月詩郭外潮聲湧紫瀾危樓
山色迴相看雨流逸少池邊墨石護容成洞裏丹松作
龍鱗遮絕巘江分螢影入迴瀾不
知滄海懸明月却訝驪珠出水寒

陽湖別墅

在城南陽輿山麓王叔臬築有冷吹樓

吳郡

貞記甌之山自西來沿江而下其一枝入於江斷而復
起若珠連者曰九斗山郡城歸之其一枝自朱浦分亦

西行可數里為二小枝折而南凡東西奧二總名曰暘
奧與之水自西南來者曰雄溪郭溪為里四十而
遙南山折之匯而平為湖曰暘湖當暘湖之前突起兩
峯其高逼漢峯頂有臺曰吹臺或云其先子晉吹笙地
也亦名吹笙臺暘與之東麓則吾大參王公陽德別墅
在焉其吹笙臺皆山吹臺前聳俯臨湖湖之中宛然而洲
者曰浮碧野之後清泉懸崖下瀾瀾入溪環堂而流坐
其中若齋舫焉曰湛然堂堂之後迂徑而東有軒焉叢
頤之異卉木於庭曰眾芳軒又東有樓焉以當山色初
暘承之松竹如沐曰青旭樓軒之後修竹將萬挺循竹
而西北有徑四曰四時其卉木如其時公為諸生未幾
而薦於鄉一再屈南宮即不出隱而讀書其間甚適峯
上碧千仞而湖下碧千畝朝暮之異態晴晦之異狀寒
暑之異姿皆悠然與公會而公亦悠然會之得其流時
之旨以成吾德得其潛植之用以成吾材得其風行露
潤之華以成吾文章蓋業益就而公不得久為湖山有
矣公為備兵使者以功晉今宮猶治兵事經畧之暇時
過余山園輒停盼久之一日慨謂余曰以吾墅之壯不
能望子園然吾墅無待而子園有待者也雖然昔子有
園而無主吾時時能代若主今子園有主矣而吾墅未

永嘉縣志

卷二十一

古蹟

名勝

三

有主也吾將歸矣其主吾墅矣余笑曰公欲歸天子其
即歸公耶以余之為時厭也與公之不能厭時也皆理
也抑昔賢有言居廊廟而不忘江湖彼豈謂其遽能江
湖耶姑寓其所所以不忘者毋使廊廟勝之而已矣公怵
然悟曰善乃命貢生為之圖而屬余記於首後記諸
稱名山之善得水則雄諸稱名園墅者得山水則亦雄而
園墅之雄尤不可兼得都會之地王侯貴人足以號集
財力而苦於山水之不能兼山而巖水而涯肥遯幽貞
之士樂棲焉而苦於財力之不易兼以是有兩相羨而
已余之治此會也地雖非大都會然善亦易辦而其不
能兼山水則如之也雖非大都會然善亦易辦而其不
為小兼者而終不能得其真永嘉王陽德先生昔者駐
節於吾州每遇余輒從倚竟暮不忍去一日忽慨焉
而歎曰仁知之樂則子庶幾哉雖然猶有待者也以不
穀而幸生永嘉清華之所會又幸而有無待者在問其
地則曰暘湖之別墅既而曰惜哉不穀之未究吾思也
今者見子之弁而有遺憾焉謂貢彪貌其大都以屬余
曰子姑為我記之余乃粗述二奧之勝所自來與奧之
分水而為雄瞿郭三溪南山折之合而為暘湖因東奧
之衍據湖之勝為墅墅之中環清流而為堂者一叢羣

卉而為軒者一承初陽沐松竹而為樓者一其大較如是而已而復設隱招先生曰先生試觀乎茲無待者以此而當我矣可也我有待者然無適而非公所親也先生唯唯尋用量移去吾州今天子下墜書歸大鎮先生而先生不肯出乃者介曹生子念而書謂于賴子之庇天賜不穀以日不穀有完力而從事茲墅以不穀墅而求子記不得也以子記而求不穀墅不得也請重為子言之陽湖之中有洲焉故有臺而無橋臺亦草創而已巖之加崇飾之名之浮碧志適也右跨石橋若渴猗而達吾墅名之曰聯璧志吾兄弟也而墅面南湖嚮吹臺峯其高刺天樹石坊焉榜之曰湖山會秀志大觀也坊前後外松柏槐柳皆合抱中門三楹翼然署之曰陽湖別墅志吾居也入門循龍尾道而上得堂取康樂語曰清暉堂左有閣登之而四山之色若縮帶曰紆青皆志吾外境也閣稍東數十武而得靜室曰潛光志吾內境也折而東短垣竇之啟扇而呀然得荷池四畝而羸夏秋時紅白萬柄清香襲人亭半侵之曰暑香清暉之右得方沼畝而羸錦鱗百頭相响且適軒據之曰知樂循軒而北得圃五畝而羸名花百千種與嵐紫翠相奪曰聚秀水涓涓流花間可以浮觴沿圃為渠沿渠多樹桃

李曰桃李溪篠千挺半之得亭曰漣漪蓋清泉自樹杪下無所不受其匯而池而沼流而渠若珪璧若磬瑛者皆是也至園而墅以內之事始既既出墅翼墅而門其左者曰迎晞右者曰含景其陽為堤千尺以限湖波巖石固之桃李芙蓉相錯曰錦浪堤盡堤而東得佛廬負小山而面湖曰寶界菴折而北得一嶺叢桂覆之曰金山粟嶺自嶺背詰曲而上數百步曰穿雲峽由峽轉而南最高處得喬松數百株攬其杪臺之而重湖連阜之秀一目而盡曰超覽自臺降稍止得修竹數千竿芟其中館之曰筠阿出筠數十武轉深而古木壽藤曲翳之曰綠沈坊轉而西流泉之所注得方池曰停玉沼沼水自石瀨濺濺而下小澗以環清暉堂之右蜿蜒若虹曰卧虹澗度卧虹之西小橋得石臺踞水而竹復翳之西曰不下湖風時來於暑益快曰清涼界稍折北復得一塢多種古苔梅臺其最受香處曰香雪塢至塢而墅以外菟裘其東復為嶺高峯特秀兩山拱揖復按之可以元宮不穀且次第僑工矣子以為有待耶無待耶子為我重記之以為奚矣若余讀而色飛左顧曹生曹生起而曰其然唯某獲侍先生杖履一寓目焉憶余曩所記以

永嘉縣志

卷二十一

古蹟 名勝

美

民國二十四年

先生嘗讀書茲墅得所謂流峙者以成其德所謂潛植者以成其材所謂風行露潤者以成其文章而後為世用今茲先生之用未盡究歸而出其完力以朝夕於茲墅宜其兼也夫不知者以為昔無待而今不免有待矣知者以為為有待而竟無待也願先生時坐潛光湛然之地一芥子亦無著間舒之而方寸吞八九雲夢曾不罍碍夫豈植此拳山勺水而已耶曹生曰始子為記時當長有矣而以先生之不得遠有賜湖為異乃今先生有賜湖矣子一弁而捐以付遊者而束身於一團焦僅斗大事固難料如此請持此言而質之先生相與北向而大絮則子何如

茅坤記賜谷王公繪其所為賜湖別墅圖移書以告坤曰茲湖也余永嘉郡所匯歐之西來諸山之水蜿蜒逶迤於焉百折以出而東注者也湖東嚮環湖皆山中獨有兩峯為最高且峯故有吹臺世傳仙人王子晉所故吹笙處也余過低徊久之投詩以弔迺稍稍卜築於湖之濱且併吹臺而構之為別墅焉又曰夫墅枕湖中湖而洲字之曰浮碧茲則可磯而釣者也墅之後飛泉緣崖而出縮堂左右若帶焉字之曰湛然堂茲則可掌而掬者也堂之後折而東為小軒檻列名花數十百區字之曰眾芳茲則可擷而攀者也軒

之後又東為小樓松翠蔚然字之曰青旭茲則可憑而眺以嘯者也後復為竹林數十畝徑之為四曰春日夏曰秋日冬茲則又仿蔣詡所開三徑故事而益之以一麗獨其席湖而營也澄波百頃峭壁千尺上之可以捫松蘿下之可以浴雁鳧擢歌漁吹前呼後和四時之勝往往與人間殊別吾嘗於月明之夜臨流扣舷山谷欲應佳氣襲人冰壺若鏡間按輞川之勝似亦未必過之又如風濤怒號噴巖浴石江妃搗絃鈔人能織又如朝霞初吐青葱可餐海若助之氣象萬千此或騷人之所不能賦墨子之所不能繪而於赤城雁宕匡廬瀟湘又將或遠或近或疑或似者也余中明天子甲乙之科佩蘭握金者二十餘年於茲矣夕之夢而晝之思未嘗不在焉君其為我記之余伏讀而覆之曰公安得泉石之思而邱壑之夢乎哉范蠡之所以扁舟五湖者功成而身退也賀季真之所以上書明皇而乞鑑湖以歸者遺榮而入道也今海內一統無兵革之爭而望天子方共一二公卿招徠俊髦以圖治功且公自尚言郎以來聲聞日以盛勳業日以崇中外之士所望公之內召而柄國家者朝且夕也公又安得訪范蠡輩相與匿景而逃

永嘉縣志

卷二十一

古蹟 名勝

三

民國二十四年補刻

虛乎哉客曰君子處廟堂而不可無江湖之思茲固東
 方曼倩之所以避世金馬而或猶以為脩然埃壚之表
 可也時萬曆丁丑春二月望日王叔杲張嵒陸中丞
 過訪陽湖詩字內勳猷獨擅雄中原大雅復誰工鯨波
 坐息霜旌外海嶽全收綵筆中十載台垣清夢隔一時
 尊酒故人同卻從劍合延津後夜夜風雲繞赤虹遠
 從海上問幽偏十里青山倚櫂前鏡裏日華搖組練空
 中靈籟雜鷗鷺絃煙蘿漫擬愚公谷山水原高謝客篇雞
 黍淹留成日暮少微光映斗牛躔王至言冷吹樓詩
 吹臺倒影湖波綠湖上風光看不足三溪小雁如雲流
 岸草汀花還斷續壽藤老樹周四圍橫空白鳥銜魚飛
 平沙垂柳蔭小艇烟波縹緲園漁磯奕世相承此湖長
 憑虛傑構恣清賞水光山色一凭闌十里荷香還盪漿
 月節花時總稱情辟寒消暑拉同盟穠華不減長春苑
 虛籟疑聞緜嶺笙酒杯茶局閒清畫湘簟疎簾明遠岫
 竹下迷離催煮茶湖邊彷彿飄紅袖畫船搖曳循江渚
 明月霓裳歌白苾燕語閒關綠樹中傲殺東鄰採蓮女
 甌越幽偏事事宜風流更覺勝當時獨憐清夢兼葭隔
 一水盈盈若有思何白集王季中冷吹樓詩子晉賓
 仙有吹臺君樓遙對吹臺開月明似聽鸞笙度雲白猶

靜宜閣

在半山王叔杲建

王叔杲記半山故有墓廬先公移構今址山人家食偕仲

疑鶴馭來源水桃花忘晉魏輞川勝事屬王裴芙蓉池
 上尊長滿絕勝金莖露一盃臨池一曲縵廊迴萬柄
 芙蓉鏡裏開遠近涵清開洞壑高低鑿翠綬亭臺花間
 片語新詩就松下涼風急管催罰酒未辭金谷數主人
 不畏玉山頽邢昉冷吹樓歌贈王開先城南吹臺高
 千仞崔嵬嶺嶢開青冥臺上吹笙接杏靄其聲萬古猶
 洽洽泠泠散落諸峯頂芙蓉嶙峋舒翠屏王子築樓臺
 之側開瀾遙看白雲色吹聲颯沓懸崖間列檻層甍了
 不隔復有澗底泉潺湲響四壁氤氳石上松滴瀝松下
 石潺湲之聲亦可聽併覺巖泉冷几席吹者何人云子
 喬巖間細霰舞迴颺颼風入樓發長嘯恆令六月無炎
 歎王子王子絲繩玉壺貯美醅愛客樓頭日延仙人間
 之樂無如此慎勿吹笙學爾祖高
 臺寂寞已難攀悵望煙霄心獨苦

氏陽德甫讀書山中

累寒暑十五年培滋松竹治溪上

脩葺而諸景煙廢則置之矣萬曆甲申秋子兒蕙有事
 茲山適山廬為風雨所壞山人感念前緒命因舊新之

脩復澗溪諸蹟而谷口匯水為池環以石塘浮舟於上
視昔則創觀也越歲林木交蔭庭戶叢芳兒蘊率孫言
藏脩於中山人數過視兒以燕息無所適於舊廬之側
闕地為軒需予坐卧問名於山人山人曰靜宜閣夫
靜之說二有外境有內境故厭紛惡囂而屏跡絕俗山
栖川觀自足於閒寂之樂外境也黜聰去蔽而滌慮澄
源虛明順應以復吾純白之天內境也外境靜以形內
境靜以神先外而遺內將馳於膠擾如釋氏之禪定一
念不持或恍然而不知所歸先內而兼外將形神之俱
忘雖應煩囂而不為溷雖身勤苦而不勞聖賢之所以
為學蓋明此也孔子論仁曰靜而樂山其理壽諸葛武
侯論學曰非靜無以成山人老而思佚寤游故山意竊
靜以長年而孫子輩方樂羣脩業期以
致遠靜之說尤不可以不講也是為記

芳洲

在城南三十里仙垺黃嶼洲袁遷所居

明唐順之記介乎永

嘉左右者若天台雁蕩之怪巧瓌麗甲天下其間嘉卉
美木蔚然雜植雖博物者亦半不識其名品故自古好
游之士輒以永嘉山水物產為第一宗喬以為是非吾
好之所存也吾獨好橘於是種橘數十本於是洲上游

永嘉縣志

卷二十一

古蹟 名勝

三

民國二十四年

而樂焉因以為號曰橘洲主人又曰芳洲主人視其意
蓋極世間名山水自以莫如吾洲一切嘉卉美木自以
莫如吾橘也而間請記於予予始亦訝其迂且僻而笑
之既而嘆曰宗喬可謂自足其樂而不羨乎外者矣夫
趣有所適則不必其地之所勝意有所鍾則不必其土
之物或絕遠生在海外苟以人力移之而樹藝壅灌之
如其法則東西南北唯所徙焉既久而炎冷燥濕之性
亦隨變矣而橘也確然獨異乎是蓋昔騷人為之頌曰
受命不徙生此南國是草木中之專一耿介者也夫騷
人葉萃天下之香草美木以況其幽馨窈窕之思然皆
未有特為之頌者其於橘也特為之頌豈偶然感觸而
假物以發興也哉取其臭味之深有合焉耳宗喬少業
儒而以醫自進其志行耿介又雅慕王喬凌門子之道
翩然有迫隘斯世輕舉遠遊之思窺其貌蓋未嘗以肉
食之故而變其山澤之臞也其自寄於橘也殆亦有騷
人之意乎余愧無橘之德亦願以迂翫不通於俗余家
故鄰太湖太湖橘藪也余將買山種橘於洞庭之上而
老焉清秋霜落搔搔首而歌楚頌欲以招宗喬其許我乎
否也 張純賦夫何與世兮不諧抱空志以愀愀拂長

劍而靡騁姑道遙於芳洲舟悠悠兮虛泛水如如兮風
柔花點點兮鋪綉春雨過而鳴鳩岸改碧而成綠麥青
青其盈疇凌翠靄而極目杳不知其所由行徐徐兮盤
復長藤窈窕而緜聽流鶯以徒步間道路於猿猿日幽
人其在是即茅屋於高邱疎籬淨園綠竹猗猗圭門雲
戶搖曳碧波山雀噪室白鶴長呼主人歡迎援琴而歌
曰日暮兮無人君何為兮水濱請息駕兮友我撫冥靈
兮大椿客曰志慮長於百夫物須我兮範模奚厭厭其
落魄與草木而為徒相荆棘之有條樵者取以為柯松
丸丸兮合抱棟玉殿以嗟峨流泉瀉於千里泛巨艘以
連柯參相鬱其爭茂肉白骨而起痾彼無知之有濟天
生我兮維何揖重腫而獻璧熙吾民兮咸和造芬華於
枯槁豈擷芬兮山阿聊翩翩以寄傲返余駕兮帝都願
與子而偕行慎遐心之弗過主人泐佛而色作曰溝澮
不行晝夜洽洽高山永古不震以驚象服鷓冠乃勞厥
形鈞遊耕鑿眉壽太空逢彼稷契繆於崆峒媚媚王子
與天地終吁嗟吁嗟兮大遇不靈竟桎梏於浮名辭白
蓮而就穢今而後兮識而淵明幽人兮芳洲白日牧兮
青牛飄風南兮綵舟采芙蓉兮休休鞠黃花兮橘綠酌
旨酒兮思柔夢羅浮兮驂白鹿冬復春兮草生道周蟲

永嘉縣志

卷二十一

古蹟 名勝

完

民國二十四年補刻

臂鼠肝兮天於我乎何讐我於世兮夫何求鷄與居兮
齧食抱擁腫兮千秋遂閉戶而謝客策藜杖於吾洲

襟江亭 在江北永嘉山上萬厓府志

鎮寧樓 在拱辰門外萬厓丁酉郡守劉芳譽以城臨永

寧江建樓以鎮之萬厓府志

浩然樓 在孤嶼文丞相祠前萬厓庚辰巡道吳自新郡

丞劉正亨建取文公正氣歌所稱浩然之目或云孟襄

陽嘗游此故名非也乾隆癸巳邑紳曾唯移建於祠前

左側甲寅巡道秦瀛以前賢名不宜名樓改稱孟樓萬厓

府志孤嶼光緒元年知府裕彰重脩復舊名明陳公相詩芙蓉別嶼見

真天百折狂瀾夾地旋砥柱江心流不轉樓閣鼇背日
孤懸澄波月色移雙塔破曉鐘聲隔萬烟坐此猶如舟

不繫天空海闊任魚鳶（郝敬詩片月涼生水國秋層樓環擁大江流聯翩共下王喬鳥汗漫同登李郭舟初地招尋稱吏隱清時嘯傲美仙游冷然濯魄水壺裏徙倚何妨信宿留）（邱建章詩浩蕩觀秋水長歌倒綠樽虛樓含蜃氣危石潤潮痕落日收江郭殘霞）
桑何足問一醉任乾坤（何白秋日同郝大令包學憲集孤嶼浩然樓詩島嶼煙濤入素秋琴尊勝日一登樓雲扶塔影雙杯轉天動江光兩岸浮叢菊再逢陶合醉名山仍接謝公游不辭倚杖楞伽石阜帽歌風曉更留國朝梁章鉅詩憑闌發眼盡秋光城樹邨煙俯莽蒼歷覽政希謝康樂標題漫借孟襄陽江山如此清輝在人物當年逝水忙誰識浩然留正氣西偏丞相有祠堂
淡齋 在城西南隅明項維聰建（項維聰自序僕家歐城折入於綺水是城中水滸處頗類西湖一曲又西為虹橋長堤縹緲映帶雉堞城外諸山口西山即康樂詩步出城西門遙望城西岑者是也山相去五里許而蒼翠接於眉睫旦夕望之真如屋裏矣屋後有樓登之則遠近四山皆出近山如華蓋海壇郭公諸勝其狀如斗甌名九斗城茲樓旁觀九斗環列遠山如筌臺大羅挂綵
孤嶼綿互森聳遶以長江匯以大海澹蕩煙雲吞吐口月樓亦收焉樓東數武即淡齋也齋可五楹不施丹堊呈材之木露形之牆取具而已殷彝周鼎秦篆漢制不皮於堂上奇石美木珍禽怪獸不列於庭中惟聚書數千卷木榻一茗椀香爐瓦甌棊几彈琴賦詩以樂其志遇二三同志則市村醪瀝園蔬烹江魚以享之耳不願聞絲竹口不願挂雌黃醉則陶然散則去復集以為常蓋吳越好事者曾不當其一盼而僕以為便了一生矣夫滾滾馬頭塵陳陳廩中粟徒敗人意而清福上帝所靳即此眼前尚難消受夙興夜寐何得不自約束而浪然為天地長物也

永嘉縣志

卷二十一

古蹟 名勝

罕 民國二十四年補刻

太玉樓 在華蓋山麓王昭文建道光甲午燬於火（永嘉聞見）

錄 季維楨記華蓋山在永嘉城中道書所名容成太玉之天也王氏永嘉冠族少參公始治第山麓之左以傳其子觀察大參兩公則觀察左而大參右觀察公三子伯為縣丞拜國相謝不受命以恩詔進朝列大夫仲叔皆光祿而郡丞有四子伯昭文為諸生高第兩光祿復各有子可十人則以左昇昭文昭文構樓讀書其上

永嘉縣志

卷二十一

古蹟 名勝

聖

名之曰太玉而介其所親方子謙修
 家若公孫卿輩言仙人好樓居漢是
 盤承露封太山禪
 梁父冀幸一遇而永嘉濱東海蓬萊
 三山金銀宮闕如
 或見之昭文所居故稱洞天無亦有
 仙乎憑虛御風
 之想耶而昭文意非然也古者五等
 封建國以世及而
 士庶人田宅授受皆官主之封建法
 廢而公卿大夫家
 亦與士庶等子孫多食指繁不能盡
 賢則勢不能無分
 異教化廢風俗薄則又有好分者而
 以履世同居為盛
 事然此未可為常法亦未可以盡罪
 今之人也古不有
 尋曠林之戈詠閱牆而賦角弓者手
 余竊以今之分產
 猶昔之封建要以約束人如田有畔
 室有垣布帛有幅
 名止其所而不相覬覦侵越保世承
 家傳之久遠法無
 便於此者宋宣公不私其子吳季子
 不私其身而公羊
 胡氏猶多求焉曰君子大居正道也
 今吳之禍兩君為
 豈不義而二子言之是或一道也
 今為昭文之叔父者
 欣然而授之若曰是吾王氏之家督
 也禮引而進之者
 世承祧者也又若曰兄弟之子猶子
 也父之寵子也家
 也為昭文者欲然而有之若曰是
 先王也又若曰先王
 大人之貴介愛弟也而不自有而以
 昇者也

父家大人居此焉不穀不足以嗣之
 於不穀為侈也居
 讓之實而辭讓之名授者不任德而
 受者不以私惠歸
 德率是道也天下亦安往而有競
 力爭之事哉安
 長久之術以方三代盛時何以尚焉
 余聞孝弟之至通
 於神明故有分荆合行葦敦連理交
 讓同巢共乳草木
 鳥獸大順咸若其為吉祥善事詎在
 仙游下乎崑崙之
 十二瀨鄉之九柱江漢之黃鶴皆仙
 人樓居也令至今
 存何關人事未若茲樓可以訓孝弟
 之義明禮讓之風
 雖有仙跡存而不論可矣為記以詔
 弟之王氏百世本支而
 併為適子券且以風天下之為人父
 子兄弟者何白
 集王昭文太玉樓詩樓俯城陰切紫
 氛桂尊清賞洽蘭
 薰曲池天倒華峯樹古洞霞蒸碧海
 雲丹壑空青傳鳳
 嘯晴窓殘墨辨鷺羣好奇况對南州
 士定有雙龍犯斗
 文又太玉樓詩為王笙臺賦夫若緱
 嶓山系吹笙諧鳳
 鳴十五學冲舉翩翩鶴上征結樓綺
 霄漢飛薨凌九清
 星杓礙中積雲霞挂檐檻前對十八
 天容成之外庭方
 壺接琳館大羅連玉京松寒五鬣古
 芝繁三秀榮砂泉
 濯金蕊寶露滋瑤英龍鳥大洞書赤
 文龔丹瑤煥爛虛
 元氣紫戶祕元精幽寥存玉兆玄華
 深黃靈我來屬霽
 景天地涵虛明涿烟汎華蓋靈嶠浮
 東瀛髮髯披神巖

雲君紛來迎滅沒入景與娜姆三
素旌試讀太上篇翻作昇天行

山雨閣 在渚浦何白讀書處何白詩有渙興崇岡玄陰

度江郭密翠結重林寒涼澈幽壑散髮披縹緗平明坐

茵閣倚蘭冒綠蕤天桃破丹萼疎麻時未華新篁始苞

籜常恐鷓鴣鳴涼風振飛藿撫化徵在今履往慨如昨

悲來命尊酒持鷓鴣望寥廓夙好時不存喟焉念離索

又元日叔定季與攜諸孫過飲山雨閣詩柏葉椒花自

草門暉暉林木靜初暎遠山戴雪橫青閣晴靄薰梅照

深尊開徑竹中來二仲分甘花底及諸孫也知黃綺初

借隱始信朱陳別有村鄭汝璧訪何山人无咎山雨

閣留贈詩落落乾坤幾布衣竭來高調似君稀身同白

鹿聞滄海人識長庚入少微草閣夏寒孤榻下墨池春

陽侶元塵翩翻盡日揮

瑞景樓 紅萼樓 府署有瑞景樓又有紅萼樓樓前紅

梅一蒼枝古幹數百年物抱月園詩注案此舊府署即今之城守營署也

永嘉縣志 卷二十一 古蹟 名勝 望

臺盤閣 在大羅山臥龍潭萬厓府志

觴咏亭 在半山萬厓府志

魁象亭 在巽吉山萬厓府志

中山亭 在府治乾隆府志知府李琬有重建中山亭記按中山在鹿城書院側志稱一郡主山而府署後亭亦以中山得名未知創於何時同治甲戌知府裕

彰重建

古樟 在飛霞洞前託根崖石橫臥千尺孳臂空中濃陰

畝許或云唐時物人稱為臥樹上建臥樹樓國朝李鑾宣飛霞觀

臥樹詩豫州樹大石罅微老幹出罅神龍飛耽耽樓閣

壓不住攬空天矯鱗髯肥天公有意弄奇詭樹耶龍耶

知者稀豈是劉根親手種千年仙去猿鶴飢不然根盤

節錯等閒事何以倒懸橫臥怒裂石罅穿雲扉我來留

雲亭上坐茶煙竹籟搖煙霏興酣飄飄出塵表鼓動細
枝青十圍高排天闔下地軸白雲如海風吹衣步虛偶
弄白玉瑄脫轡不受紅韁轆大呼一聲騎樹去婆娑游
徧滄溟歸朱士彥詩昔陟戒壇寺臥龍之松一見之
今游飛霞洞臥樹之樓乃尤奇仙人何年種石壁半空
挺出輪囷姿傳聞此地昔日著靈怪青牛岡兩毋迺爾
所為空山偃仰千百載樵蘇匠斧了不知樓頭百尺足
高臥下視萬木真卑卑豫章之材古所重往往溜雨存
其皮此木或是謝公植甘棠遺愛留今茲世間萬物各
賦命老壽豈可常理期秦松久聞稱位號孔檣僅得延
旁支海風颯忽晚潮響相逢我亦津梁疲摩挲礪礪三
歎息巖棲尚有至和碑梁章鉅詩又作飛霞古洞游
重看大樹閱千秋仙株豈果劉根種美蔭真從謝客留
似覺山樓遮不住莫教地軸隘難收也應回首邱山重
若更橫行
那得休

顧公洞 在茶山五美園後明末顧尙書錫疇棲隱處詳金
石

坊表

古人表厥宅里樹之風聲可法可傳政教攸繫甌自祥
符圖經載坊五十有七楊蟠守郡定為三十六坊後百
餘年沈史二守或復或增具詳戴栩所為記誠哉彪布
森列名立義從者矣今廬存者百一而景山儒志坊郡
志闕如舊志亦不能舉其地爰博稽舊牒於故蹟之隲
墜三致意焉區為五類曰衙署曰恩榮曰孝義曰節烈
曰坊巷蓋皆古者表宅樹聲之遺意云爾

衙署

振綱肅紀 激濁揚清 在舊都察院前

永嘉縣志 卷二十一 古蹟 坊表 四

肅寮 貞度 在舊察院前

振揚 在舊按察司東

屏翰 在舊布政司西

親民 養士 在縣治前萬厓中改名節用愛人後又名

平政親民 國朝康熙間邑令鄭廷俊重建

興賢 登仕 登瀛 在府學前登瀛本名明倫宋端平

中守史彌恣復舊名

賓賢 擢秀 儒林 在縣學前

宣威 振武 在衛署前

海濱鄒魯 附在鹿城書院 東甌元氣 附在永豐橋

恩榮

狀元 在拱辰門內為宋王十朋趙建大木得間徐儼夫

周坦立萬厯二年巡按蕭廩重建特標王十朋名

都憲 為李顯立

世進士 為徐彥遠徐鵬徐安行徐鑰立

賓薦 為舉人項壇張霖王德金翽立

掖垣補袞 為陳堯言立

文宗 為張天麟立

盡忠 為都指揮劉錦立

少保 為大學士黃淮立

永嘉縣志

卷二十一

古蹟 坊表

聖

進士 為翁家春立

少司寇 為侍郎陳璋立

進士 為金昭立

尚書 為高友璣立

寵膺三錫 為周尚文立

彰賢 為參政項喬立

世美 為進士葉宗葉錫舉人葉尹賢立

玉殿傳臚 為周應期立

進士 豸繡 俱為孫昭立

進士 為項應譽立

叢桂 爲舉人金昭朱體信馮瀚立

經元 爲王激王燾立

六英 爲舉人張鳴鸞朱廷謐朱玉楊芳春侯化邦鄭守

益立

奎文 爲舉人劉杲立

三俊 爲舉人林宗教陳一貞王應時立

棣萼重芳 爲參議王澈祭酒王激副使王叔果參政王

叔杲立

文宗 爲王維夔立

馳恩 爲封中書趙諫立

永嘉縣志

卷二十一

古蹟 坊表

吳

躋雲 爲舉人趙詵立

兵垣司諫 爲給事中王良心立

世司馬 爲王澈王叔果王叔杲立

篤忠 爲尙書章綸立

三忠 爲東湖樵夫侍郎卓敬尙書章綸立

左掖諫臣 爲都給事中李維樾立

聚奎 爲舉人王諍王叔果高旻孫昭黃一鵬立

聚英 爲舉人任秀卿陳懋策梅廷哲張大受陳典學吳

寶秀張陽春立

大理 爲評事金雲鴻立

雲路聯翔 爲舉人王光哲柳時新吳彥匡立

講幄論思 青宮啟沃 俱爲編修林增志立

冬官大夫 爲郎中王倓立

進士 爲葉承遇何懋官立

忠良貞一 爲大學士張孚敬立

柱史 大中丞 俱爲僉都御史王諍立

甲第 爲進士李階立

大銀臺 少京兆 俱爲通政使周令立 已上俱在拱

辰門內直至瑞安門內大街

登仕 爲舉人陳鐸立

永嘉縣志 卷二十一 古蹟 坊表 聖

祭酒 尙書 俱爲王瓚立

侍臣 爲王翰立

解元 爲陳聳立

世英 爲舉人劉濬立

外臺 內翰 俱爲僉事李瑾立 已上在五馬坊橫街

集賢 爲舉人劉定立

榜眼 爲王瓚立 已上俱在譙樓前直街

兄弟進士 爲王叔果王叔杲立

進士 爲陳定之立

熙朝人瑞 爲百歲項靖項懷父子戴天倫陳淮王偉立

進士 為王激徐廷傑趙廷松陳亶立

彩鳳聯飛 為舉人黃仁周感立

甲科高第 原會魁為葉式立後燬巡按龐尙鵬重建改
今名附鄉賢挺貢士魁聰程準慶運七人

父子會魁 為王瓚王健立

學士 為張孚敬立

三鳳鳴陽 為進士王健侯一元王德立 已上俱在府

前直街

毓英 為舉人陸昇立在永寧門內

元輔 東西二座 孤忠 賚賢 柱國 俱為大學士張孚敬

永嘉縣志  卷二十一 古蹟 坊表 四

立

賢孝 為中書舍人張遜志立

篤慶 為尙寶司丞贈員外張遜業立

秋曹贊法 為張汝紀立 已上俱在松臺山麓

狀元 為周旋立

凌雲 為劉安節劉安上立

兩朝柱史 為婁寅亮婁濬立

昂霄 為學正黃祿立

青雲 為監丞李廣立

步蟾 為舉人金敦立 已上俱在新河街

畫錦 為御史嚴愷立

觀光 為舉人葉狝立 已上俱在永清門內

積慶傳芳 為封通政王鉦子澈孫叔果叔杲曾孫光蘊

立在墨池坊

大納言 大司成 俱為王激立在鎮海門內

太師 為張孚敬立在拱辰門外

豸繡 為鄭道寧立在鎮海門外

仙桂 為舉人鄭道順立在瑞安門外

兩京祭酒 為王瓚立

星賢 為舉人陳啟立俱在二都

永嘉縣志

卷二十一

古蹟 坊表

吳

三代恩光 為贈少師張轉寶張敏張昇立在五都黃輿

世顯 為贈員外張珂郎中張純舉人張鳴鸞立

亞魁 為李階立俱在三都

黃閣元輔 青宮太師 恩光 文煥 俱為大學士張

孚敬立在五都姚溪

海山鍾秀 為永嘉場仕宦立在五都

明經 為舉人戴時雨立在十都

仙桂 為舉人李悅立在二十都

會英 為舉人徐安行徐鑰立在二十七都

鍾秀 為舉人朱腆立在四十一都

應奎 爲舉人陳本方立在四十六都茅山

登俊 爲舉人謝暹立在五十都鶴陽

賓薦 爲嘉靖丁酉科舉人項瓊立在十二都茶山

七葉衍祥 爲九十五歲壽民嚴士攀立在十五都梅嶼

樂善好施 爲試用訓導陳遇春立在新河街珠冠巷

昇平人瑞 一在十二都茶山爲 國朝百齡 恩榜進

士 欽賜翰林院編修吳宗元立 一在十五都深橋

爲 國朝百四齡 欽賜六品謝欽誥立

孝義

孝門 爲宋陳侃立

永嘉縣志 卷二十一 古蹟 坊表 季

旌義門 一在百里坊東爲葉承祖立 一在五馬街爲

王漢彬立 一在前街爲朱瑚立 一在二都爲王秉

彝立 一在十一都仙洋爲百歲項懷卿立 一在十

三都鵝湖里爲何寬何瀚立 一在三十四都羅浮爲

林振堡立 一在三十五都東岸爲陳璋立 一在三

十五都羅溪爲呂斌立

節孝貞烈

旌節門 一在府學巷爲王守中名成孫妻劉氏立 一在

府學巷爲邵理妻項氏立 一在十二都爲徐惟東妻

陳氏立 一在十七都爲潘槩妻林氏立 一爲潘洪

瑤妻陳氏立 一為潘洪祿妻邵氏立 一為王順童妻黃氏立 一為顏師孔妻陳氏立

節烈 一在揚名坊為方日昇妻林氏立 一為林宗直妻陳氏立

貞孝 一在拱辰門外海壇山麓為生員胡崇一妻陳氏立 一在五都丁家與為吳聖如聘妻戴氏立 一在十都六里壇後為樂邑庠生趙煥聘妻倪氏立

貞女 一在壬子巷為楊芳椒聘室倪氏立 一在十一都園底為高魯濱聘室林氏立 一在十二都茶山為監生王廷綸聘室葉氏立

永嘉縣志

卷二十一

古蹟 坊表

五

貞節 一在來福門內為陳良謨妻林氏立 一在三牌坊巷口為張亦介妻諸氏立 一在來福門內為瑞安生員杜廷揚妻朱氏立 一在三都為張季霖妻朱氏立 一在十都為吳佳繡妻葉氏立 一在十三都白塔為王周祚妻謝氏立 一在十四都為陳信楷妻戴氏立 一在郭溪三台峯為王成均妻林氏立 一在十七都為邵整妻葉氏立 一在十九都為吳應恂妻張氏立 一在高盈里西為繆元濬妻江氏立 一在十都六里壇後為曾錫泮聘室焦氏立

清標彤管 在棣華坊老三元宮西為 贈武信佐郎王

鵬化妻鄭氏立

節孝 一在簡訟里為尤寶銓妻陳氏立 一在保安橋

為候選同知曾儒程妾林氏立 一在四都為生員林

乙妻王氏立 一為林伯桂妻吳氏立 一在十二都

茶山為諸朝瑞妻蘇氏立 一在十都里六壇後河邊為

監生楊殿錦妻王氏立 一在招賢巷底為城鄉節孝

總建之坊 一在十一都西洋底為胡承德妻周氏立

一在放生池為監生吳泰妻項氏立 一在廣化廂

玉環廟邊為王嘉謨妻胡氏立 一在十五都陽輿為

吳子選妻鄭氏立 一在十四都白泉嶺下為滕兆淦

永嘉縣志

卷二十一

古蹟 坊表

三

妻王氏立 一在十都六里壇後為監生林永祚妻周

氏立 一在九山第一為谷鍾壽妻朱氏立 一在十

一都為王天璋妻葉氏立 一在菰溪為儒童王欽立

一在十三都霞坊為葉維宰妻梅氏立 一在十三

都為登仕郎張在相妻項氏立 一在大高橋下為儒

童徐振楠妻陳氏立 一在十九都梅輿為貢生魯

岡繼室林氏立 一在十都吳田雙慶橋邊為趙丕承

妻朱氏立 一在十都壇後為楊映輝妻王氏立 一

在十都壇後為方肇奎妻張氏立 一在十都壇後為

奉直大夫郡庠生徐學禮妻林氏立

坊巷

譙樓前街直至五馬橫街

仁美坊 宋待制陳謙居此

五馬坊 見名勝

惠安坊 在五馬街 已上俱街東

雙桂坊 宋王公彥公輔居此

壽安坊 宋尚書張闡壽考子叔椿尚書辭祿養親故名

已上俱街西

瑞安門直至拱辰門大街

千廂坊 在南城下

永嘉縣志

卷二十一

古蹟

坊巷

三

開通坊

舊志未詳所在

謝池坊 在謝池巷又名雲衢巷

習禮坊 在開元寺巷習儀在開元寺故名

儒志坊 在開元寺巷尚善橋南宋郡守楊蟠為王開祖

立

案萬麻府志尚善橋在開元寺巷中橋南當即今府學後圃則儒志坊墻在府學巷舊志佚府志亦失考

玄妙坊 在開元寺西舊志佚

興文坊 有井在鐵井關

道愛坊 在東南隅即今縣治前舊志誤作遺愛

德政坊 在縣後巷

招賢坊 宋周侃居此真宗召之不起故名

墨池坊 見名勝

竹馬坊 見名勝

康樂坊 有二 在瓦市殿巷西

簡訟坊 有井 在簡巷

禮賢坊 宋葉右丞居此

永寧坊 有二 在永寧殿巷

問政坊 有井 在漆坊巷

奉恩坊 在打繩巷 已上俱街東

明經坊 在南城下宋戴溪居此

孝睦坊 在第一橋宋戴述與弟迅居此

永嘉縣志 卷二十一 古蹟 坊巷 五

榮親坊 在通道橋

元豐坊 在元豐橋

華蓋坊 在打鑼橋又名陡門橋

棠陰坊 在賣糖橋

中和坊 在河魚橋

百里坊 在滄河巷北

平市坊 在萬歲埭頭

土寧坊 在攬團橋

拱辰坊 在屯前 已上在街西

永寧門直至安豐橋

歸仁坊 在大九曲巷

登選坊 在小九曲巷為曾氤立 已上在街東

梯雲坊 為薛強立立

達尊坊 為薛叔似八表立

孝美坊 在薛家巷中

敬亭坊 在板橋巷

西壽安坊 在施水寮巷 已上在街西

安豐橋西大街至松臺山前

安豐坊 在四顧橋

甘泉坊 井有在大賚橋 已上在街中

永嘉縣志  卷二十一 古蹟 坊巷

五

龍首湖坊 大學士張孚敬立

雁池坊 在乘涼橋

雅俗坊 在油車巷

雅俗後坊 在船枋巷 已上在街南

順德坊 在淨居寺衚衕 已上在街北

來福門內新河大街至八字橋

安仁坊 在商量巷

遺愛坊 在岑山寺巷

安寧坊 在岑山後巷

清政坊 在木杓巷

正烈坊 爲忠節金德立

衆妙坊 在甜酒巷

冰壺坊 在府前

宣風坊 在火爐巷

清河坊 在府城隍廟巷

揚名坊 在周家巷

純和坊 宋劉處士居此在翥鵬巷

嘉會坊 范統制居此在嘉會里巷

玉瑞坊 在金鑿石巷

孝廉坊 在幙頭河宋仰忻居此在黃府巷

永嘉縣志

卷二十一

古蹟 坊巷

美

興善坊 在丁字橋

圓通坊 在劉宅巷

隸華坊 在導俗巷宋林季仲劉安節居此子孫相繼登

科故名

安平坊 在晏稔神巷

仁壽坊 在廂巷宋景定初爲方來翁永年立 已上在

街東

壽寧坊 有在寶綸樓前街

浣紗坊 在普覺巷以晉浣紗孝女故名端平中史守易

名鼎桂

祈報坊 在社壇巷

淵源坊 在書堂巷以內有永嘉書院故名

勸農坊 在里瑞巷萬麻府志作李樹巷

望稼坊 在里瑞巷內

仁濟坊 在蛟翔巷

吉士坊 為進士劉安定立

蜃川坊 在西洋

豸冠坊 宋御史陳夔居此

樂湖坊 在雙橋

正平坊 在陳彈壓巷

永嘉縣志 **卷二十一** 古蹟 坊巷

慶善坊 在石板巷宋尙書蔡幼學居此

愛景坊 在小丁字橋巷

崇壽坊 在八楓丹巷

慶年坊 在鮑提舉巷

勸忠坊 在鮑提舉巷為徐瑄立

書錦坊 在朱官巷

文英坊 為王瑞立湯志未詳所在

順濟坊 舊有順濟廟故名 已上在街西

百里坊 街至迎恩門

太平坊 在賣糖巷

通濟坊 在大虹橋

梯雲坊 在梯雲巷

德新坊 爲信國公湯和開河立

嘉慶坊 在龍王寺塔院前

豐和坊 在毛家橋巷底

佑善坊 在水渡橋巷

興仁坊 在油車巷

滙津坊 在迎恩門內 已上在街南

世美坊 在小米巷

奉和坊 在石墻巷

永嘉縣志

卷二十一

古蹟 坊巷

五

悟真坊 在陳天雷巷

林亭坊有井 在鮮魚巷

信義坊 在機學巷

廣惠坊 廣慈坊 在龍王寺前巷 已上在街北

拱辰門內西街至舊定安門轉至龍首橋

集善坊有井 在舊務巷

友愛坊 在針巷

永平坊 在倉後巷

寶珠坊有井 在殿邊巷

巽酒坊 在麻行巷

井蓮坊 已上在街南

朝京坊 臨津坊 在永清門內

積貨坊 在象門內 已上在街北

興文坊 在上安橋宋葉味道居此

聯桂坊 在中央巷 已上在街西

容城坊 儒英坊 襲慶坊 遺忠坊 從善坊 衮繡坊

坊 崇仁坊 已上俱見戴栩重建三十六坊記記曰分

標表術術此政也而有教焉何謂教示以好惡而著之風聲興其視聽而納之軌物斯為教矣古者間必有門孝友睦婣任恤有學所出夕入實具而名未立也唐人以其後植以雙木結屋覆之門不設而揭扁於上為美名以誌名者教之所自出也詎容漫漶而就湮摧圯而

永嘉縣志

卷二十一

古蹟 坊巷

堯

終廢哉永嘉州郭延袤十八里較諸雄藩會府雖不及眠列城則過之在昔民聚未稠甲乙可數比緇黃者稱寺觀日姓氏者兼藝能大畧有以辨識足矣質而俚麗而未純者弗計也後乃文化寢成藩飾聿至祥符圖經坊五十有七紹聖間楊侯蟠定為三十六坊排置均齊架締堅密名立義從各有攸趣故撫其勝地則容城雁池甘泉百里是已邈其善政則竹馬棠陰問政德政是已挹其風流則康樂五馬謝池墨池是已否則歆豔以儒英掖導以世美梯雲雙桂儒志隸華與夫揚名襲慶繡衣畫錦云者彪布森列可景可效而最切於防範俾家警戶省則孝廉孝睦之號遺忠遺愛之目或旌以招賢從善或斬以簡訟平市義利明而倫類彰取舍審而操嚮正有不說之教焉獨嘅夫風霜之剝泐水火之蕩燬百二十餘年而沈守樞更建如楊侯之舊又五十年而煥章少卿史公實來其規設益逾於沈矣觀其博棟竦楹翼以礎礎飛棖延椽被之藻彤阡陌匝絢焉如眉日之在人出者入者彌名感義一觀而三思焉渠不知所以自懋哉紹其續增者曰狀元衮繡祈報豐和復其續廢者曰崇仁榮親又永寧嘏酒寶珠井蓮為一郡都會撤而新之還明倫曰登瀛易浣紗曰鼎桂總四十

而仍舊稱以楊侯重也初楊侯既名其坊又什以詠之日三十一坊月一般今夜圓至今稚髻弱變交口誦道豈非以其人蘊藉而平易近民之效哉今煥卿公以銳志恢永圖以餘力輯小務凡城郭途路役之至難者既以燦然畢就其於區坊瑣瑣若不足為公紀而郡人請伐石以侈之蓋公不獨優於治辦而其禮賢下士有足多者鄉飲釋菜日與諸生周旋揖遜士至歌而頌之如魯泮然公於教思無窮之義其必有得於政理之外矣

附望京廂

望京坊 在鎮海門外

城南廂

廣利坊 在車橋

千秋坊 在虞師巷

普安坊 在南禪橋

永嘉縣志

卷二十一

古蹟 坊巷

李

永安坊 在蔣家巷

安政坊 在黃庫衙

忠義坊 張忠惠侯廟在此故名

湖嶼坊 錦春坊 泰和坊 永興坊 俱見舊志

相儒坊 宋樞密林畧丞相陳宜中居此

瑞蓮坊 在雙蓮橋

集雲廂

湖山坊 在法明寺前

西山坊 在淨社寺前

廣化廂

繡衣坊 宋御史鮑軻居此

森桂坊 宋陳埴兄弟三人登科居此

書紳坊 宋徐霆居此

永嘉縣志

卷二十一

古蹟

坊巷

空

冢墓

壁經有封墓之文柳下季壟禁樵採焉昔賢體魄所藏誠重之哉方志之詳冢墓自常璩華陽國志始

國朝防護先哲遺塋更隆往代命守上官歲終具報一杯之士敢或忽諸甌自騶搖開國厥冢有五傳疑傳信載在簡編而宋明以來名儒顯宦尤指不勝屈前志尙多遺漏博稽往籍而亟登之庶不與野馬塵埃同歸漸盡流連慨慕其亦有趙文叔譽之思也夫

漢

東甌王墓

明一統志在府城西五里甌浦歧海璩譚紹

永嘉縣志

卷二十一

古蹟 冢墓

空

定舊編云東甌王家五處太平寺前謝婆埭陽有兩冢

西山吳平山有兩冢與甌浦之冢凡五

按紹定舊編當即永嘉編吳平

山在孝義鄉國朝林齊鉉詩步出鹿西城疊嶂相連峙禾黍離秋風蒼莽翔雄雉白楊跨斷橋欸乃冷烟水翹首望孤墳纍然蔓草裏興言詢野老云是帝王子裂封東甌王厥名曰搖姒越王騶姓孫七世延宗祀當時誓帶礪爵圭錫弓矢助師誅羸秦歸義鋤項氏績偉著百粵七閩澤福祉人生竟何常今古同歸死所有惟功勲足以挂人齒

唐

宗室李集墓

舊志在茶山集避亂居永嘉卒葬於此

萬厝

府志作李王墓

宿覺禪師墓

在松臺山李邕撰神道碑元和中郡守杜

賁爲營塔名淨光

按北海卒于天寶間不當紀元和間事此疑有誤北海集亦無此文

吳越

錢令公墓

萬厓府志

名先在西山紫芝峯

按吳越錢氏宋以前刺温者凡

十人晉天福五年温州刺史錢宏傑卒於任墓疑卽此人而郡志佚其名惟宏傑未兼中書令似不得稱令公

宋

知温州金陵劉起墓

王開祖撰墓誌葬於建牙鄉丁么

村之北山

處士戴惟嶽墓

王開祖撰墓誌葬於建牙鄉雄溪之原

經行先生祖丁世元墓

周行己撰墓誌葬君子郡之西

山法濟院之北原

永嘉縣志

卷二十一

古蹟 冢墓

三

何子平墓

周行己撰墓誌葬於州城之西南吹臺鄉斷

塘里

葉芳墓

周行己撰墓誌葬于其居會昌湖

經行先生丁昌期并妻蔣夫人墓

許景衡撰蔣氏墓誌

丁先生墓在郡東南大羅山之西原夫人蔣氏附焉

詳傳

儒林

臨江軍軍學教授戴述墓

周行己撰墓誌葬於郡之西

山太夫人墓之次

傳詳儒林

會稽尉宋之珍墓

劉安節撰墓誌葬於郡西寶塘原實

從母夫人兆

傳詳介節

瑞安許忠簡公妻陳夫人墓 許景衡撰陳孺人述葬于

永嘉西山瑞鹿寺之西原

蔣稟墓 許景衡撰墓誌葬于所居瞿溪之原

處士劉孺墓 周行己撰墓銘葬于其居章輿山

王之瑜妻毛氏墓 周行己撰墓誌葬於其居大羅山天

柱峯之麓 傳詳名媛

隱士瑞安許景亮墓 周行己撰墓誌葬於郡之西山瑞

鹿寺之西原

左史劉安節墓 許景衡撰墓誌葬於仙桂鄉之外彎山

傳詳儒林

永嘉縣志 卷二十一 古蹟 冢墓 畜

贈光祿大夫薛強立墓 萬厓府志在華蓋山南 傳詳宦績

封宣義郎劉攽墓 許景衡撰墓誌葬於仙桂鄉余輿山

之原

封英惠侯盧璿墓 盧氏宗譜在宋輿 傳詳義行 國朝

山北盧掾墓溝棘叢枯株朽骨久無主野人競掘幽
臺耀白日苔錢碧模糊瑩石日以泐况復髮與顛披榛
上廢道故物餘瓦甃中夜鬼車泣夕照嗥妖狐寒雲蔽
層岡埜色慘平蕪瞻眺重歎息清淚盈衣裾萬化皆有
盡觸景徒嗟吁

封英烈侯包汝諧墓 康熙府志在宋輿 傳詳忠臣

孝子仰忻墓 萬厓府志在松臺甸洋 傳詳孝友

鄉薦劉安禮墓 劉安上撰墓銘葬於仙桂鄉方潭院之

西儒傳附

給諫劉安上墓

薛嘉言撰行狀葬於建牙鄉玉清觀後

山儒傳詳

起居舍人薛徽言墓

薛嘉言撰行狀葬於郡城西太平

山之原名傳詳

太宗正丞劉謙墓

林季仲撰墓誌葬建牙鄉玉清觀之

前山距給事墓百步

舉八行方煜并妻朱夫人墓

林季仲撰墓誌穿朱氏之

墓而合葬之實在其縣竹浦之北山

傳詳 隱逸

和州助教朱京墓

林季仲撰墓誌葬於建牙鄉菱洋之

永嘉縣志

卷二十一

古蹟 冢墓

奎

西山傳詳 孝友

周達節墓

林季仲撰墓誌葬吹臺鄉俞奧山祖塋之東

知廣州敷文閣待制忠簡公薛弼墓

葉適撰墓誌葬太

平山傳詳 宦績

封右奉議郎陳豫并妻潘安人墓

張九成撰墓銘葬於

吹臺鄉干嶼之原

宗室忠翊公趙定之墓

萬厓府志在丁么俗稱趙王墳

龍圖閣學士左通奉大夫贈少師忠簡公張闡墓

周必

大撰神道碑葬建牙鄉瞿溪之原中奉公墓側

傳詳名 臣 周

天錫張忠簡闡墓詩絕巘環幽宅霜林覆古阡饗堂迷
夜雨石馬咽秋煙忠簡香名遠亭臺夕照懸穹碑文字

滅摩認
意茫然

處士陳敦化墓

薛季宣撰行狀葬於郡西岑之原傳詳

孝友

吏部尚書吳表臣墓

萬麻府志在十二都南柳傳詳名臣

監察御史婁寅亮墓

萬麻府志在十一都正奧傳詳名臣

提刑何逢原墓

王十朋撰墓誌葬於吹臺鄉西山瑞鹿

院之右傳詳宦績

知常州文憲公薛季宣墓

呂祖謙撰墓誌葬於吹臺鄉

慈湖之原傳詳儒林

孫叔特妻趙夫人墓

陳傅良撰墓誌葬於建牙鄉鵬飛

永嘉縣志

卷二十一

古蹟 冢墓

三

里西華山之原

長樂主簿諸葛說墓

陳傅良撰行狀葬於黃嶼山傳詳儒林

禮部員外陳鵬飛墓

葉適撰墓誌歸葬於甌浦之原傳詳

儒林

監湖州酒庫胡序并妻薛夫人墓

陳傅良撰胡序墓誌

葬於吹臺鄉梅嶼山先兆之側

葉適撰薛夫人墓誌

附於少賓之墓

傳附名臣

司理馮施叔墓

陳傅良撰墓誌葬於建牙鄉桐嶺之下

處士張澶墓

陳傅良撰墓誌附葬於吹臺鄉桐嶼黃夫

人之兆傳詳儒林

處士包昂墓 葉適撰墓記葬塘下原

朱興國并妻陳氏墓 陳傅良撰壙誌葬於所居里西山之麓且葬陳氏

陳說墓 陳傅良撰壙誌葬於所居里潘塔山之麓

漳浦主簿周鼎臣墓 葉適撰墓誌葬建牙鄉渚浦 傳詳宦績

長樂主簿徐槐墓 陳傅良撰壙誌得某鄉慈雲院之後

山以葬

從事郎戴厚并妻張夫人墓 樓鑰撰誌銘殯於德政鄉

湖嶼之原夫人合葬焉 傳詳文苑

敷文閣待制諡文肅鄭伯熊墓 在四十二都東村澄覺

永嘉縣志 卷二十一 古蹟 冢墓 卒

寺後 傳詳儒林

秀州判官鄭伯英墓 葉適撰墓誌葬西山余家與原上

傳附儒林

高子莫妻翁安人墓 葉適撰墓誌葬護國寺山

承事郎潘朝卿并妻何夫人墓 陳傅良撰墓誌合葬所

居鄉橫塘何夫人之墓

知潮州晉江徐定墓 葉適撰墓誌葬公孝義鄉何與村

傳詳寓賢

隆興教授陳季雅墓 葉適撰墓誌葬君於吹臺鄉白泉

山師姑井 傳詳文苑

宋傅五世祖郡都曹墓 葉適撰宋傅墓誌葬瑞鹿寺山

參議朝奉大夫宋傅墓 葉適撰墓誌葬西山法果寺山

傳附
文苑

德化令沈希尹并子昌墓 陳傅良沈叔阜壙誌葬建牙

鄉丁么村淨名院山之側實德化墓下云

朝議大夫知處州蔣行簡墓 葉適撰墓誌葬膺符鄉瞿

嶼乾山 傳詳
宦績

承議郎謝雱并妻萬孺人墓 樓鑰撰墓誌合葬於西山

廣惠院先塋之後山 傳詳
文苑

知平陽縣青田陳葵墓 葉適撰墓誌葬永嘉縣三洲臺

永嘉縣志 卷二十一 古蹟 冢墓 奕 民國二十四年補刻

湖山

知復州張仲梓并妻周宜人墓 樓鑰撰墓誌合葬於吹

臺鄉西山法濟院之右 傳詳
介節

鎮守陳琥墓 康熙志在二十七都

知永州高子莫墓 葉適撰墓誌葬於永嘉官莊

封吏部侍郎葉光祖墓 葉適撰壙誌葬建牙鄉無相院

山之右 康熙志在宋奧

中散大夫開國永嘉縣男張季樗墓 葉適撰行狀葬瑞

鹿西岡 傳詳
宦績

通判郴州樂清翁忱墓 葉適撰墓誌葬永嘉縣秀峯山

耐其先人焉

朝散大夫主管冲佑觀鮑瀟墓

葉適撰墓誌葬於父朝

散墓東王山

傳詳
宦績

處士徐照墓

葉適撰墓誌在塔山林額兩村間

傳詳
文苑

葉文定公夫人高令人墓

葉適撰墓誌葬開元觀後山

顯謨閣待制永嘉伯平陽陳峴并妻許碩人墓

真德秀

撰墓誌葬護國寺甸洋山妣碩人許氏之墓左

處士李伯鈞并子源墓

在獅巖葉適撰墓誌改葬仲舉

於先墓後而深之從焉

傳詳隱逸案
深之源字

中奉大夫太常少卿直秘閣薛紹墓

葉適撰墓誌葬清

永嘉縣志

卷二十一

古蹟

冢墓

堯

民國二十四年補刻

涼山

傳詳仕績案清
涼山郡志無考

鮑瀟妻劉夫人墓

葉適撰墓誌葬仙桂鄉安豐奧

迪功郎朱倬并妻解氏墓

南外宗教朱通并妻余氏墓

監潘葑庫朱弼并妻林氏墓

均在呂公山朱氏祖塋

之側

見金
石

進士樂清史大亨墓

康熙志在陳奧

長泰令徐璣墓

葉適撰墓誌葬建牙鄉郭溪

傳詳
文苑

處士陳煜墓

葉適撰墓誌葬於孝義鄉吳平山

薛師山墓

葉適題墓葬地曰丁亥橫山

朝請大夫提舉江州太平興國宮陳謙墓

葉適撰墓誌

葬建牙鄉鵬飛里傳詳

朝議大夫秘書少監王柑墓 葉適撰墓誌葬於亭山西

原傳詳
宦績

兵部尚書瑞安文懿公蔡幼學墓 葉適撰墓誌葬吹臺

鄉洋奧山

端明殿學士文端公戴溪墓 在建牙鄉萬年寺左傳詳

國朝周天錫詩萬年寺左尚書墓六百餘年付劫灰

落日殘雲兩翁仲零磚斷礎幾亭臺山空風雨苔痕長

墓林處士何傳墓 葉適撰誌銘葬於西山崇明寺旁傳詳

隱逸

永嘉縣志 卷二十一 古蹟 冢墓 卅

寶文閣學士文定公葉適墓 萬厓府志在城內慈山傳詳

名臣

兵部尚書文節公薛叔似墓 萬厓府志在稽斯山傳詳

宏詞科李仲意墓 萬厓府志在五十一都蒼坡按舊志作駙馬

宋史無考

知弋陽縣蔣叔興并妻劉孺人墓 戴栩撰墓誌合葬於

瞿嶼亥山傳詳
宦績

處州通判戴若冰并妻劉夫人墓 戴栩撰墓誌葬建牙

鄉渚浦之東兆夫人劉氏蓋同祔焉傳詳
宦績

潛山先生婁鑄墓 戴栩撰墓誌葬建牙鄉西華山傳詳

文苑

沈馬陳龜年墓 在雲霞與傳詳 宦績

戴栩妻墓 戴栩浣川集送先室歸葬西山詩曰結束遙裝異昔時江

頭送爾一霑衣五年客殯依禪寂千里香魂與夢歸閨美欲書碑易盡龍村新鬪草應稀西山便想西湖是雲

樹深深 谷鳥飛

戴栩子佛夫墓 戴栩撰墳誌葬德政鄉頭陔村和迦隴

處士薛師石墓 王綽撰墓誌葬於吹臺鄉橫嶼之陽傳詳

文苑

朝請大夫直煥章閣主管冲佑觀永嘉開國男少卿戴桷

墓 在臨江菰州夏奧山之原傳詳 宦績

知南雄許經并妻張碩人墓 劉克莊撰碩人墓誌附於

永嘉縣志 卷二十一 古蹟 冢墓 圭

建牙鄉昭與原使君之阡

孝子陳宗墓 陳旅撰墓記郡守陸德輿為擇美地集雲

門外并其母葬之表曰陳孝子墓明嘉靖七年守丁瓚

重修為門垣以護之 國朝乾隆間知府莊柱輝色俱

重修傳詳 孝友

潛室先生陳埴墓 在宋奧傳詳 儒林

提刑王致遠墓 萬麻府志在慈湖南村傳附 宦績

刑部侍郎文忠公周端朝墓 萬麻府志在渚浦君子峯

傳詳 名臣

司徒陳鉉墓 萬麻府志在紫芝山按宋無司徒官 姑仍舊志 俟考

右丞葉文德墓 萬厓府志在十五都桐輿

處士包定墓 在象浦 傳詳儒林

閣門舍人張鉉墓 萬厓府志在西山 傳附宦績

丞相陳宜中祖墓 康熙府志在西山虎跑寺 按萬厓府志作宜中

墓考劉賡陳氏世德碑云虎跑陳氏墳刹所在自中父亦葬先塋之側宜中卒於暹不言歸葬為其祖墓無疑

樞密院都承旨王勝墓 康熙府志在平嶼

郡馬包文翁墓 康熙府志在十九都塘下

太守葉輝墓 康熙志在宋輿

教授葉志甫墓 康熙志在宋輿

教授葉宣墓 康熙志在宋輿

永嘉縣志 卷二十一 古蹟 冢墓 三

知潮州葉忠正墓 萬厓府志在紫芝山

進士樂清史戊炳墓 康熙志在陳輿

右文殿脩撰王益大并妻林宜人墓 王漢老撰壙誌葬

於甌浦先塋之左以林氏祔焉 傳詳介節

宣教郎主管禮兵部架閣文字林壽墓 柳貫撰墓碑自

初喪葬匿於建牙鄉郭溪黃岡柳州墓下今卜得龔吉

將遷窆於膺符鄉沈輿之原 傳詳介節

元

太學博士汪大有并妻包氏墓 在四十一都東漿輿

處士李永孫墓 李屋撰壙誌葬於邑之西廬山

處士李燾墓

李默撰墓誌葬於里日溪障隴之原默之

長子怡從葬焉

承直郎樂清縣尹王與墓

李孝光撰行狀葬建牙鄉馬

嶼之原

傳附介節

累贈奉訓大夫追封樂清縣男林邦福墓

宋濂撰墓銘

墓在建牙鄉先塋之側

傳詳宦績

中順大夫秘書監丞陳麟墓

戴良撰墓誌卜葬赤塘原

先塋之次

傳詳宦績

明

處士金宗儒并妻林氏墓

張升撰墓誌金琦葬其母林

永嘉縣志

卷二十一

古蹟

冢墓

三

氏於塔山原與父處士合窆

翰林庶吉士張文選墓

黃淮撰墓誌窆於吹臺鄉桐嶺

金山之原

傳詳儒林

本縣訓導王齋墓

康熙府志在馬嶼

傳詳儒林

處士劉介并妻項安人墓

周旋撰銘葬臨江鄉玉沙山

蒼之原安人項氏合處士之窆而葬焉

封榮祿大夫少保戶部尚書兼武英殿大學士賜祭葬黃

性并妻王夫人墓

楊士奇撰墓誌公與夫人合葬邑

大羅山之原

傳詳義行

山西行太僕寺少卿陳敏墓

黃淮撰墓碑安厝於所居

里菱塘山之原傳詳

葉母鮑安人墓 黃淮撰墓誌葬於建牙鄉渚浦祖隴之

側

教授金祺墓 黃淮撰墓誌葬於吹臺鄉俞奧先塋之側

傳詳
文苑

延平府推官趙順祖墓 黃淮撰墓誌窆於吹臺鄉雲霞

奧祖塋之側傳詳
宦績

處士李福墓 黃淮撰墓誌葬於吹臺鄉盧灣從先兆也

傳詳
義行

處士陳進安墓 黃淮撰墓誌葬於所居里建牙鄉黃山

永嘉縣志 卷二十一 古蹟 冢墓 七

先兆之次傳附
義行

處士鄭文彬墓 在橫塘之右皎嶼之前原傳詳
孝友

處士項士武徵士項士斌兄弟合葬墓 黃淮撰墓誌先

是處士規營樂止於大羅山祖塋之側徵士營壽藏聯

窆而同兆至是惟濂惟潛等奉柩合葬徵士繼室孫氏

亦以序而前葬焉傳詳
義行

處士陳銓墓 黃淮撰墓誌葬於吹臺鄉慈湖南山祖隴

之旁傳詳
義行

處士吳亨墓 黃淮撰墓誌窆於德政鄉南柳山從先兆

也傳詳
義行

處士章宸浩并妻劉氏墓 黃淮撰墓誌其兆在建牙鄉

溪西之原

陳庾妻節義汪安人墓 黃淮撰墓誌葬於所居里之井

町山

信宜知縣林文定墓 黃淮撰墓誌葬於邑之建牙鄉丁

必橫山之原 傳詳宦績

翰林編修林補墓 黃淮撰墓誌葬於邑之吹臺鄉雲霞

與耐先塋也 傳詳儒林

福州訓導劉邦彥并妻金孺人墓 周旋劉先生行狀歸

葬於玉沙祖塋之側

永嘉縣志 卷二十一 古蹟 冢墓 墓

少保戶部尚書兼武英殿大學士賜祭葬文簡公黃淮墓

陳敬宗撰墓誌窆於邑之德政鄉大羅山之原從先

兆也 傳詳名臣

參政鄭柱墓 萬曆府志在慈湖 傳詳介節

左庶子周旋墓 萬曆府志在慈湖 傳詳宦績

處士汪珂并妻朱氏子汪芮并妻邵氏汪昇并妻朱氏墓

在李輿 詳見金石

江陰知縣李本墓 謝暹撰墓誌霞山先塋之側 詳見金石

處士趙鋌墓 在建牙鄉梅嶼

僉事黃福生墓 康熙志在二十都風門

救葬少卿瑞安姜立綱墓 〔萬厓府志在十三都竹奧〕

壽州判官柯賓墓 〔李階撰墓誌在蔣奧金家塘之原〕

贈禮部尚書勅葬文定公王瓚墓 〔萬厓府志在五都黃〕

奧 傳詳名臣

汪節婦陳氏墓 〔楊廷和撰墓誌安厝於本里西奧之原〕

合先君子之兆也

處士項耆壽墓 〔項喬撰壙誌葬於舊壠雨金原〕 傳詳義行

正九品樂清方默墓 〔侯一元撰墓誌葬積穀山〕

廣東按察司僉事中順大夫李階墓 〔王激撰墓誌葬於〕

姚溪祖壠 〔萬厓府志在五都龍潭山〕 傳詳義行

永嘉縣志 卷二十一 古蹟 冢墓 其 民國二十四年補刻

封通政司通政賜祭葬王鉦并妻張恭人墓 〔王慎中撰〕

墓誌 卜吉於先域半山之原與恭人張氏合葬焉 傳詳義行

江西左布政使樂清侯一元墓 〔王世貞撰墓表表其郭〕

溪後堂山之墓石 〔茅坤撰墓誌葬之三台峯之麓〕 傳詳寓賢

鶴山先生項縱墓 〔項喬撰壙誌葬於祖隴黃奧〕

項喬母婁太宜人墓 〔項喬撰壙誌卜葬慈湖北村之山〕

麓

贈少師張轉寶墓 〔萬厓府志在黃奧山〕

華蓋殿大學士贈太師敕葬文忠公張孚敬墓 〔萬厓府〕

志在黃奧 傳詳名臣

張文忠公妻勅葬一品蔡夫人潘夫人墓 〔萬厯府志〕在

杜輿

中書張遜志墓 〔萬厯府志〕在杜輿 傳詳 孝友

太僕丞張遜業墓 〔萬厯府志〕在杜輿 傳詳 介節

中書張遜膚墓 〔萬厯府志〕在杜輿

義堂處士朱遜并妻陳氏子幽獨道人朱樞并妻林氏墓

在西竹園之山陽 詳見 金石

鳳陽知縣朱腆墓 〔王健撰墓碑〕歸葬右廟杏山原 傳詳 宦績

僉事李瑾墓 〔康熙府志〕在慈湖

工部主事陳定之墓 在十三都二里白塔大輿山

永嘉縣志 卷二十一 古蹟 冢墓 七 民國二十四年補刻

處士林蒙并妻朱安人墓 〔王叔果撰墓誌〕合窆於華嚴

山祖隴 傳詳 隱逸

林德芳祖母陳安人墓 〔項喬撰壙誌〕葬於丁腰之原

義官邵曉墓 〔項喬撰墓誌〕葬吹臺桐嶼之陽 傳詳 義行

指揮祁嵩墓 〔浙江陵寢防護錄〕在來福門外集雲寺西

首 傳詳 忠義

廣東按察司僉事贈太僕少卿王德墓 〔萬厯府志〕在二

都上朱洋 傳詳 忠義

秀才方道言并妻嚴孺人墓 〔李維楨撰墓表〕葬於建牙

鄉丁么村五峯之原

廣東參政項喬墓 萬麻府志在二十一都竹浦 傳詳名臣

上海訓導王應辰墓 王叔果撰墓誌 附於郭溪祖隴 傳詳

文苑

參議王澈墓 萬麻府志在五都茅竹奧 傳詳

祭酒王激墓 萬麻府志在十九都菱陽 傳詳

廣東按察副使葉式墓 萬麻府志在慈湖 傳詳

翰林侍書葉幼學墓 康熙志在五都丁家奧

吳興范烈婦墓 王叔果擇地瘞之在白塔山 傳詳

題墓石詩吳門范貞婦從夫逐戎行有生何不幸備此
茶毒嘗鸞鳳侶梟獍虞比豹狼欲全志操潔靈顧肢
體傷吁嗟柔婉質居然百鍊鋼清風激汚俗浩氣凌霄
蒼埋玉依淨土游魂返故鄉一抔表幽烈千古揚休光

永嘉縣志 卷二十一 古蹟 冢墓 去

南康知府張純墓 萬麻府志在十六都馬嶼 傳詳

鴻臚序班張郇墓 侯一元撰墓誌 窆於拜亭山之原

禮部儒士張廷用并妻曹孺人墓 侯一元撰墓誌 葬郭

溪

光祿寺少卿王健墓 萬麻府志在五都黃奧 傳詳

贈大理寺左評事張景恕墓 在十四都東奧

贈雲南道監察御史孫滄墓 在十四都新橋塔下

御史孫昭墓 萬麻府志在十九都岷岡 傳詳

都察院右僉都御史王諍墓 萬麻府志在五都丁家奧

傳詳 宦績

廣東按察副使王叔果墓

萬厯府志在十一都石壇

傳詳

儒林

福建布政使司右參政王叔杲墓

李維楨撰墓誌葬於

陽湖所自卜也

傳詳 官績

衡府長史王光蘊墓

康熙府志在後嶼

傳詳 介節

王光蘊妻林孺人墓

李維楨撰墓誌卜葬膺符鄉半山

從通政公之左隴

長史葉世德墓

萬厯府志在郭溪

傳詳 官績

兵科給事中王良心墓

萬厯府志在黃輿

傳詳 官績

處士張聯芳墓

何白撰墓誌葬於祖壠馬嶼之原

永嘉縣志

卷二十一

古蹟

冢墓

五

四川按察使王繼明墓

康熙府志在黃輿

傳詳 官績

僉事葉承遇墓

萬厯府志在石壇

傳詳 官績

衡州府知府何懋官墓

康熙府志在十六都陳輿

封參政周尙文墓

鄒維璉撰墓誌厝於九峯山之原

傳詳

義行

右副都御史周應期墓

浙江通志在瞿溪西輿

傳詳 官績

舉人樂清何永年墓

何白撰墓誌葬瞿溪陳半山之原

秀才樂清李象乾墓

李象坤撰壙誌乃卜阡郡西岑

浦之陰

樂清李象坤墓

李象坤撰壙誌

甌浦

贈戶科給事中陳應麟墓 乾隆府志在半嶺

陝西參議陳堯言墓 康熙府志在上成傳詳名臣

按察副使項維聰墓 在郭溪傳詳宦績

知府樂清侯傅邦墓 乾隆府志在護國寺側

布政劉康祉墓 康熙府志在岷岡傳詳宦績

封僉都御史樂清李思鎮墓 康熙府志在郭溪

封布政王杰墓 康熙府志在二都半山

布政使王維夔墓 浙江通志在二都金墩傳詳宦績

處士樂清何白墓 在瞿溪金巖傳詳寓賢國朝周天錫金巖何丹霞墓詩先

永嘉縣志 卷二十一 古蹟 冢墓 卒

生不可作風雅誰與論削劣金巖峯鬱鬱文章魂繁露隨瑩石薄靄掩孤墳去時柏與松剪伐已不存遺編自千古憑吊空高原臨風頻悵望野燒火漫漫

鳳陽知府張中蘊墓 康熙府志在宋奧傳詳介節

知府樂清侯應賓墓 乾隆府志在郭溪

安州知州周一奎墓 在郭溪傳詳宦績

右副都御史張天麟墓 康熙府志在夾嶼傳詳宦績

工部主事邵建策墓 康熙府志在郭溪

太僕少卿王瑞栴墓 在茶山傳詳名臣

鴻臚寺丞王乘墓 康熙府志在甌浦

兵部主事陳大奎墓 乾隆府志在下嵩

都督陳璠墓 萬厯府志在陽輿

知縣周文應墓 康熙志在宋輿

武畧將軍胡公墓 名佚 在丁么

禮部尚書崑山顧錫疇墓 乾隆府志在江心孤嶼舊有

碑記傳詳寓賢按崑山志錫疇墓在吳縣十九都陸家

塢則公櫬確已歸葬孤嶼之墓或當日士大夫得

國朝 附

秀才王家琦并妻李孺人墓 李象坤撰壙誌奉厝於丁

么之原 傳詳 隱逸

禮部主事王錫瑄墓 乾隆府志在宋輿 傳詳 孝友

永嘉縣志 卷二十一 古蹟 冢墓 全

陽武知縣謝包京墓 乾隆府志在宋輿 傳詳 義行

張烈婦青松塚 在西山 傳詳列女 邵仲陟贊冤矣張

兇二兇者何鮑玉雲龍潛窺艾姿隨肆兇鋒白日忍匿

黃泉路窮婦曰死耳空愛厥躬雉經不獲風雨曷從忍

此須臾顛彼蒼穹惟明克允乃遇嵇公手定大案一判

如嵩片言折獄神鑒律通夫冤可雪婦義可風殺人者

杞縣知縣謝天墳墓 乾隆府志在宋輿 傳詳 宦績

懷柔知縣林元桂墓 乾隆府志在下仙白巖 傳詳 文苑

內閣中書樂清楊森秀墓 乾隆府志在十四都雲霞輿

會同知縣洪勛墓 乾隆府志在十七都平山 傳詳 文苑

贈文林郎陳遴墓 乾隆府志在宋輿 傳詳 義行

南陽知縣陳王綬墓 〔乾隆府志〕在彭奧 傳詳 宦績

教諭陳王組墓 〔乾隆府志〕在上戌

海康知縣張元彪墓 〔乾隆府志〕在杜奧溪 傳詳 宦績

知縣李國選墓 〔乾隆府志〕在杜奧溪

封君周家雄墓 〔乾隆府志〕在十七都華亭

周聲焞墓 〔乾隆府志〕在杜奧溪 舊作司馬周聲焞未詳何官

白水知縣謝立墓 〔乾隆府志〕在丁么

溫標中營遊擊崔三孝墓 在上鄉十四都雲霞奧 三孝 陝西

三原縣人初擢江西昌平守備游歷都司康熙元年調溫標陞遊擊護總兵遂占籍焉 已下新纂

溫州通判鄧涵清墓 葬雪山寺後

永嘉縣志 卷二十一 古蹟 冢墓 全

贈武翼都尉鄧文齋并妻婁淑人墓 葬雪山寺後

贈武翼都尉鄧輝祖并妻鄧淑人墓 葬雪山寺後

壽春遊擊鄧飛鵬并妻胡淑人妾張孺人墓 〔賈聲槐撰〕

墓誌合葬於雪山舊塋之側 傳詳 宦績

舉人繆澧英并妻陳孺人墓 〔賈聲槐撰墓誌〕以君合葬

於陳孺人壙在梅嶼東山頭之原

欽賜七品頂戴百八壽翁郭嘉士墓 〔吳鳳藻撰墓誌〕葬

於丁么之橫山

武舉張兆元墓 在慈湖南村

封員增貢生張敬墓 在慈湖南村

封朝議大夫武舉張錦墓 在慈湖南村

進士山西平原縣知縣鄭汝楫墓 在雄溪中與傳詳 宦績

湖南糧儲道張瑞溥墓 在十六都河莊傳詳 宦績

四川敘永同知張瑞瀚墓 在慈湖南村

河南涉縣知縣張瑞澐墓 在十五都梅嶼

庠生周學潛墓 在西鄉陳汝採題其墓石曰永嘉詩人

周奕園墓

鎮海教諭張振墓 在十二都洪崖山之陽傳詳 文苑

江蘇江浦縣知縣潘宗耀及弟宗瀾墓 在上鄉集雲廂

五里寺后山傳詳 文苑

永嘉縣志 卷二十一 古蹟 冢墓 全 民國二十四年補刻

山西朔州知州潘堦墓 在十七都岷岡

廣東普寧縣知縣兼署揭陽等縣潘銘憲墓 在十九都

水閘頭珠山傳詳 宦績

